

JUN CHA'AN JINI HEBREOJOB

Dios ti' cha'le t'an cha'an ti' Yalobil

¹ Ti yoque ñoj oniyix Dios ti' c'aññ i ti' jini tsa' b_Λ i xiq'ui y_Λle' cha'an i pejcan lac yumob ti ñoj oniyix. Cab_Λ bajche' ti' pejc_Λyob. Ma'an jayyajlel ti' pejc_Λyob.

² Dios cha'an ti' Yalobil Jesucristo ti' mele mulawil yic'ot ti pejtyelex tsa' b_Λ i meleyob. Ti yots_Λ Jesús ti i yum ti pejtyelex i melbalob. Ti wi'il c'_Λl_Λ wale iliyi Dios mi' pejcañonla cha'an ti i Yalobil.

³ Lajal ñoj wen, ñoj ñuc i Yalobil Dios che' bajche' Dios. I tsictis_Λntyel_Λch Dios jini i Yalobil. Jini i Yalobil Dios ti i p'_Λty_Λlelex jach i t'an mi y_Λc' ti xuc'ty_Λ ti pejtyelex ch_Λ b_Λ yes an ti mulawil. Che' ñac ti ujti i xot'e' lac mul cha'an anic lac s_Λc is_Λntyel, ti' buchle ya' ti' ñoj Dios am b_Λ ti panchan cha'an tsiquil an i ñucllex Cristo.

Más an i ñucllex i Yalobil Dios che' bajche' ajtroñelob i cha'an Dios ch'oyol b_Λ ti panchan

⁴ Yoque i c'aba'_Λch Jesucristo tsa' b_Λ ots_Λbenti ti Dios jiñ_Λch i Yalobil Dios. Tsiquil más an i ñucllex Jesucristo che' bajche' ajtroñelob i cha'an Dios ch'oyol b_Λ ti panchan como más an i ñucllex jini i c'aba' tsa' b_Λ aq'uenti.

⁵ Como ma'an ba' b_Λ ora ti' pejc_Λ Dios ajtroñelob i cha'an ch'oyol b_Λ ti panchan che' bajche' ti' pejc_Λ i Yalobil. Como Dios ti' sube i Yalobil: Calobilet_Λch. Wale ti ili b_Λ q'uin ch_Λncol c tsictis_Λsan cha'an calobilet_Λch.

Pero ma'an ba' b_Λ ora ti' sube mi junticlec ajtroñel
i cha'an ch'oyol b_Λ ti panchan:

I tyatyon mi quejel cajñel.

Cristo mi quejel i yajñel ti calobil.

Che' ti tyajle ti t'an Cristo ti Dios.

⁶ Che' ñac ti c'oti i yorojlel che' ñac Dios ti' choco
ty_Λlel cojach b_Λ i Yalobil w_Λ' ti mulawil, ti y_ΛΛ ya'
ti yamb_Λ t'an:

La' i ch'ujutisañob calobil ti pejtyelex ajtroñelob c
cha'an ch'oyol b_Λ ti panchan.

Che' ti y_ΛΛ Dios.

⁷ Pero che' Dios mi' tyaje' ti t'an ajtroñelob i
cha'an ch'oyol b_Λ ti panchan mi y_Λle':

An mi c_Λq'uen i yajñelob che' bajche' ic'.

An je'el mi c_Λq'uen i yajñelob che' bajche' c'ajc mu'
b_Λ ti lejmel.

Che' ti y_ΛΛ Dios.

⁸ Pero che' Dios mi' tyaje' ti t'an i Yalobil mi y_Λle':
Dios, ma'an ba' b_Λ ora mi quejel i jilel a we'tyel.

Bele' tyoj, bele' wen mi quejel a cha'len yum_Λ.

⁹ Ti a mul_Λ ch_Λ b_Λ wen. Ti a ts'a'q'uele mach'_Λ wen.

Jin cha'an joñon, a Dioson, mi c_Λq'ueñet

más i tijicñ_Λyel a pusic'al che' bajche' mi yubin ti
pejtyelex yaño' b_Λ i yalobilo' b_Λ Dios.

Ch_ΛΛch mi' tyaje' ti t'an Cristo Dios.

¹⁰ Dios ti' pejc_Λ i Yalobil ti i Yum je'el. Ti y_ΛΛ:

C yum, jatyet ti ñoj i tyejchibal ti a mele mulawil.

Yic'ot chan i melbal_Λch a c'Λb.

¹¹ Mi quejel i jilel mulawil yic'ot chan. Pero jatyet,
ma'an ba' b_Λ ora mi quejel a jilel.

Jini mulawil yic'ot chan mi quejel i tsuculiyel yubil
che' bajche' mi' tsuculiyel bujcal.

¹² Mi quejel a bale' mulawil yic'ot chan che' bajche' mi' balob tsuts.

Mi quejel ti q'uextyantyel bajche' mi q'uextiyel bujcΛ.

Pero jatyet mach che'iqui.

Ma'an ba' bΛ ora mi quejel a q'uextiyel. Bele' junlajalet. Ma'an ba' bΛ ora mi quejel i jilel a jabilel.

Che' ti' tyaja ti t'an Cristo Dios.

¹³ Pero ma'an ba' bΛ ora Dios ti' sube juntiquil ajtroñel i cha'an ch'oyol bΛ ti panchan:

Buchi wΛ' tic ñoj cha'an mi tsictiyel añach a ñucler, jintyo mi caq'ueñet ti a c'Λb pejtyel a contrajob, che'en. Pero Cristo chΛ'ach ti subenti ti Dios.

¹⁴ mach che'ic ti subentiyob ajtroñelob i cha'an Dios ch'oyol bΛ ti panchan, como ajtroñelob jach. Ti chojquiyob tyalel wΛ' ti mulawil cha'an i cotyañonla cha'an lac wenlel joñonla mu' bΛ lac tyaje' laj cotyantyel ti Dios.

2

Jini ñuc bΛ laj coyantyel

¹ Jin cha'an yom mi lac wen ac' ti lac pusic'al jini meler bΛ t'an tsa' bΛ la cubi ame mi lac xuc'ul cΛye'.

² Ti ñoj oniyix, Dios ti' xiq'ui ajtroñelob i cha'an ch'oyol bΛ ti panchan cha'an mi' sube' i t'an ba'an lac yumob ti ñoj oniyix. Ti subentiyob bajche' yom ajnic quixtyañujob yic'ot chΛ bΛ tiq'uul i cha'leñob. Xuc'ulach jini t'an tsa' bΛ i subeyob. Pero jini tsa' bΛ i cha'leyob mulil tsa' jach bΛ i ñusayob ili t'an ti aq'uentiyob i xot'e' i mul jiñach che' bajche' an i mul.

³ ¿Bajche'qui mi la' pensalin, che' jini? ¿Ch'ujbi ba lac puts'tyan tyoj mulil ma' w_Λl mi muc' jach lac lolon ñusan jini ñoj wen b_Λ laj coty_Λntyel? Mach saj ch'ujbi. Como jini t'an cha'an laj coty_Λntyel jiñ_Λch tsa' b_Λ ñaxan ajli ti lac Yum Jesucristo. Ti wi'il ti p_Λs'entiyonla cha'an ñoj melez jini t'an cha'an ti jini tsa' b_Λ i yoque ubibe i t'an lac Yum.

⁴ Dios ti y_Λq'ueyonla lac ña'tyan cha'an melez_Λch i t'an jini tsa' b_Λ yubibe i t'an cha'an ti y_Λq'ueyob i p_Λs'en seña_Λjlel tyac ti' tyojlelob yic'ot ti aq'uenti i cha'len ñuc tyac b_Λ i melbal yic'ot ti aq'uenti ñuc tyac b_Λ i c'_Λjnibal cha'an ti Ch'ujul b_Λ i Ch'ujlel bajche' yom i pusic'al Dios.

Jesucristo ti poj ajni che' bajche' quixtyañu

⁵ Pero Dios mach'an ti yots_Λ ti' wenta ajtroñelob i cha'an ch'oyol b_Λ ti panchan cha'an i cha'len yum_Λl w_Λ' ti ili mulawil ch_Λncol b_Λ lac tyaj ti t'an. Jiñ_Λch mulawil mu' b_Λ quejel i tsijibtisan Dios.

⁶ Ya' ti yamb_Λ t'an ti' t'an Dios an ba' mi y_Λle':
Pero jatyet c Dios, ¿chutyoquiyes quixtyañu cha'an ma' c'ajtisañon lojon como quixtyañujon jach lojon?

¿Chutyoquiyes quixtyañu cha'an ma' pensaliñon lojon como quixtyañujon jach lojon?

⁷ Poj jumuc' jach yubil ti a w_Λq'ue quixtyañujob cha'an mach'an mi' tyajob i p'isol i ñuclel ajtroñelob a cha'an ch'oyol b_Λ ti panchan.

Pero wale tsa'ix a w_Λc'_Λ ti tsictiyel i ñuclel quixtyañujob. Tsa'ix a subeyob i ñuclel.

Tsa'ix a w_Λq'ue ti' wenta quixtyañujob ti pejtyelex ch_Λ b_Λ tyac jach ti a mele.

8 Tsa'ix a wΛq'ueyob ti' wenta quixtyañu ti pejtyelex chΛ bΛ an tyac.

ChΛ'ach mi yale' ti yambΛ t'an ti' t'an Dios. Che' ñac ti yΛc'Λ ti' wenta quixtyañu ti pejtyelex chΛ bΛ an tyac, ma'an chΛ bΛ ti' cΛyle mach'Λ ba'an mi quejel i yochel ti' wenta. Pero max tyo ba'an lu' ts'acΛ ochem ti' wenta.

9 Pero cujila isujm bajche' ti ujti yic'ot Jesús. Cha'an poj jumuc' jach Dios ti yΛq'ue cha'an mach'an ti' tyajbe i ñucler ajtroñel i cha'an Dios ch'oyol bΛ ti panchan. Ti aq'uenti i bΛc'tyal Jesús che' bajche' quixtyañu jach cha'an i ñusan wocol ti sajtyel. Cha'an jach i yutsler i pusic'al, Dios ti yΛc'Λ ti sajtyel Jesús cha'añonla ti lac pejtyelex. Pero wale iliyi ti aq'uenti ti Dios i ñucler yic'ot mi subentyel i ñucler cha'an ti caj ti' ñusa wocol Jesús.

10 I melbalach Dios ti pejtyelex chΛ bΛ an tyac. Tsa'ix lu' mejli cha'an mi tsictiyel i ñucler Dios. C'Λjnibalach, che' jini, cha'an Dios ti yΛq'ue i ñusan wocol Jesús cha'an chΛncol i pΛy majler i yonler quixtyañu ya' ti panchan. Como cha'an ti caj ti wen ñusa wocol ma'an sajlic chΛ bΛ yambΛ yom cha'an ch'ujbi i wen cotyañonla.

11 Joñonla tsa' bΛ sac isantiyonla ti ochiyonla ti junlajal yic'ot i Yalobil Dios tsa' bΛ tyali i sac isañonla. An jach juntiquil Dios lac Tyat. Jin cha'an ma'an mi' quisñin Jesús i pejcañonla ti i pi'lob.

12 Como ya' ti yambΛ t'an ti' t'an Dios ti' sube Dios:

Mi quejel c suben c pi'lob ti chumtyal cha'añet.

Mi quejel c c'Λye' a ñucler ya' ti' tyojel much'quibilo'

bΛ ochemo' bΛ ti' t'an Dios.

Che' ti subenti Dios ti Cristo.

13 Yic'ot ti' t'an Dios, Cristo mi yale' je'el:
 Mi quejel c xuc'chocon c pusic'al ti Dios.
 Yic'ot mi yale' je'el:

WΛ'añon quic'ot ti pejtyelex c pi'lob ti chumtyal
 tsa' bΛ i yotsΛ tic wenta Dios cha'an mij
 cañΛtyañob.

Che' ti yalΛ Cristo.

14 I yalobilonla Dios. An lac bΛc'tyal yic'ot lac
 ch'ich'el. Quixtyañujonla. Jin cha'an Cristo ti'
 ch'ΛmΛ i bΛc'tyal je'el che' bajche' mi quixtyañu
 jach je'el cha'an i yajñel che' bajche' lac pi'lob.
 ChΛ'ach ti' cha'le cha'an mi mejlel ti sajtyel i
 bΛc'tyal. Pero ti cha' tyejchi loq'uel ba'an saj-
 tyemo' bΛ. Cha'an ti caj ti tyejchi loq'uel ba'an saj-
 tyemo' bΛ ti' jisΛbe i p'Λtyalel jini am bΛ i p'Λtyalel
 cha'an mi yac' ti sajtyel quixtyañujob, jiñΛch jini
 xiba.

15 Cha'an ti sajti yic'ot cha'an ti cha' tyejchi
 loq'uel ba'an sajtyemo' bΛ, Cristo ti' lajmisΛbe i
 bΛc'ñan sajtyel ti pejtyelex mu' bΛ i ch'ujbin. Como
 che' ñac max tyo ba'an mi' ch'ujbin, che' bajche'
 bele' cΛchΛlob ti bΛq'uen yubil como ma'an mi
 lajmel i bΛc'ñan sajtyel.

16 Como melelΛch ma'an ti tyali ti mulawil Cristo
 cha'an i cotyan ajtroñelob i cha'an Dios ch'oyol bΛ
 ti panchan. Ti tyali cha'an i cotyañonla i jiñΛjlelon
 bΛ la Abraham.

17 Jin cha'an cΛjnibalΛch ti' ch'ΛmΛ i bΛc'tyal che'
 bajche'onla. Ti ochi ti ñoj ñuc bΛ laj cura yubil
 como ti ochi ti' tyojlel Dios cha'an i pejcΛbeñonla
 Dios. Mi' bele' cha'len bajche' mi yale'. Mi' wen
 p'untyan quixtyañujob. Ti yac'Λ i bΛ ti sajtyel
 cha'an i ñusΛben i mul quixtyañujob.

¹⁸ Cristo ti' ñus_Λ wocol che' ñac xiba ti' lolon jop'o i yots_Λben i mul. Jin cha'an ch'ujbi i cotyañob am b_Λ i p_Λyol ti mulil cha'an ma'an mi' lolon jac'ob.

3

Más ñuc Jesús che' bajche' Moisés

¹ Jin cha'an quermañujob i cha'añon b_Λ la Dios cha'an Dios ti yajc_Λyonla cha'an i yalobilonica cha'an mi la cajñel ya' ti panchan la quic'ot, yom mi lac wen pensalín Cristo Jesús. Como Dios ti' choco ty_Λlel w_Λ' ti mulawil Cristo Jesús cha'an i cotyañonla. Ti ots_Λanti ti ñoj ñuc b_Λ laj cura cha'an jini t'an ch_Λncol b_Λ lac ch'ujbin como mi' pejc_Λbeñonla Dios.

² Xuc'ul ti' lu' cha'le ti pejtyelex i ye'tyel Jesús tsa' b_Λ aq'uenti. Dios ti yots_Λ ti ñoj ñuc b_Λ cura. Moisés je'el lajal xuc'ul ti' cha'libe i ye'tyel Dios ba'an israelob. Dios ti' q'uele jini israelo' b_Λ quixtyañujob che' bajche' i yalobil ya' ti i yotyot. Moisés ti' cha'le yum_Λ.

³ Mi laj q'uel ti wen jini otyot tsa' b_Λ i mele quixtyañu pero mi laj q'uele' ti más ñuc jini quixtyañu tsa' b_Λ i mele otyot. Che' bajche' jini, yom mi laj q'uel ti más ñuc Jesús che' bajche' Moisés.

⁴ Ti mejli ti Dios ti pejtyelex ch_Λ b_Λ tyac mi c'_Λjñel. Como Dios ti' mele ti pejtyelex ch_Λ b_Λ tyac jach an.

⁵ Jini Moisés xuc'ul_Λch ti' cha'le i ye'tyel tsa' b_Λ aq'uenti i cha'len ba'an i pi'_Λlob jini israelob. Ti aq'uenti ti Dios i w_Λ sube' jini mu' tyo b_Λ quejel i subentyel ti tyal tyo b_Λ ora. Jiñ_Λch tsa' b_Λ la cubi wale iliyi. Moisés xuc'ul_Λch ti' cha'libe i troñel. Che' bajche' ajtroñel jach ti' cha'le.

⁶ Pero Cristo jiñach yoque i yalobil Dios. Xuc'ul mi' cha'len ch_Λ b_Λ mi' cha'len. Lu' an ti' wenta ti pejtyelel quixtyañujob tsa' b_Λ yajc_Λanti ti Dios. Che' ochemonla ti' t'an Dios i quixtyañujonla Dios mi xuc'ulonla yic'ot tijicñayonla mi lac bej pijtyan tsa' b_Λ subentiyonla ti Dios mu' tyo b_Λ quejel i yujtyel, mi ma'an mi la c_Λq'uen i ñajatisan lac pusic'al c'Λ_Λ ti jilibal jini ch_Λncol b_Λ lac ch'ujbin.

C'aj oj cha'an jini i cha'año' b_Λ Dios

⁷ Yoque más ñuc Cristo bajche' majchical yamb_Λ. Jin cha'an Ch'ujul b_Λ i Ch'ujlel Dios mi y_Λle' ti' t'an Dios:

Mi wale iliyi ti ili b_Λ q'uin mi ti i nijc_Λbetla la' pusic'al Dios,

⁸ mach yom mi la' w_Λc' ti ts_Λts an la' pusic'al che' bajche' ti' cha'leyob jini tsa' b_Λ lets_Λyob i b_Λ ti' contra Dios ya' ti ty_Λquin b_Λ joch lum.

Como ti' wen pruebaliyon, che'en Dios, cha'an i q'uelob mi an ch_Λ b_Λ mic cha'len ti' contra-job.

⁹ Ch_Λ'_Λch ti' bej cha'leyob c'Λ_Λ cuarenta jabil aunque tic p_Λs'eyob c p'_Λty_Λlel ti wen b_Λ tsa' b_Λ c cha'le ti' tyojlelob.

¹⁰ Pero cha'an c'Λ_Λ cuarenta jabil ch_Λ'_Λch ti' pruebaliyon, che' jini ti queji c mich'q'uelob.

Ti c_ΛΛ: ¿Bac an ch_Λncol i xuc'chocon i pusic'al? Mach saj yomob i cha'len bajche' mic p_Λs'eñoob.

¹¹ Jin cha'an ti mich'_Λyon quic'ot ili quixtyañujob. Tic t'an mach'_Λ ba'an mi quejel i saj q'uexy_Λyel tic subeyob

cha'an ma'an ba' b_Λ ora mi quejel c_Λq'ueñoob i yochel w_Λ' ba' mi' c'ajob i yoj quic'ot.

Che' ti y_ΛΛ Dios. Che' ti subenti lac yumob ti ñoj oniyix.

¹² Hermañujob, wen q'uele la' b_Λ cha'an mach ochic ti la' pusic'al mi junticlec, i simaronlel mu' b_Λ i y_Λq'ueñetla la' c_Λy la' ch'ujbin Dios cha'an mi la' ñajatisan jini cuxul b_Λ Dios.

¹³ Pero jini yom b_Λ mi lac cha'len jiñ_Λch cha'an mi la' xic' la' b_Λ ti uts'at ti jujump'ej q'uin che' an tyo i yorojlel cha'an mi lac subentyel. I yorojlelix wale iliyi cha'an lac ch'ujbin cha'an ma'an majch mi' ts_Λts an i pusic'al cha'an i c_Λy i ch'ujbin Cristo, cha'an i cha' ch'ujbin jini tsa' b_Λ i ñaxan ch'ujbi.

¹⁴ Como mi c'_ΛΛ jintyo mi' cha' ty_Λlel Cristo mi lac bele' xuc'chocon lac b_Λ ti jini tsa' b_Λ lac ch'ujbi che' ñac ti lac ñaxan ubi i t'an Dios, añonla ti Cristo che' jini, cha'an mi laj cajñel quic'ot ti bele' ora.

¹⁵ C'ajal la' cha'an bajche' mi y_Λle' ili t'an:

Mi wale iliyi ti ili b_Λ q'uin mi ti' nijc_Λbeyetla la' pusic'al Dios

mach yom mi la' w_Λc' ti ts_Λts an la' pusic'al che' bajche' ti' cha'leyob jini tsa' b_Λ lets_Λyob i b_Λ ti' contra Dios.

Che' mi y_Λle' ili t'an.

¹⁶ ¿Majchqui mi la' w_Λ jini tsa' b_Λ yubiyob i t'an Dios pero ti wi'il ti' lets_Λyob i b_Λ ti' contra Dios? Jiñob_Λch tsa' b_Λ p_Λy_Λ loq'uel Moisés ti Egipto.

¹⁷ ¿Majchqui jini tsa' b_Λ i mich'q'uele Dios c'_ΛΛ cuarenta jabil? Mismo jiñob_Λch tsa' b_Λ i cha'leyob mulil. Ya' ti sajtiyob ti ty_Λquin b_Λ joch lum che' ñac ch_Λncol i p_Λyelob loq'uel ti Moisés.

¹⁸ ¿Majchqui mi la' w_Λ jini tsa' b_Λ subentiyob ti Dios ti i t'an mach'_Λ saj yujil q'uexy_Λyel cha'an

ma'an mi quejel i y_Λq'uentyel i yochel i c'ajob i yoj ya' ba'an Dios? Jiñob_Λch tsa' b_Λ i ñus_Λbe i t'an.

¹⁹ Tsiquil che' jini, ma'an ti aq'uentiyob i yoche-lob ti c'aj oj ya' ba'an Dios ti caj ma'an ti' ch'ujbiyob Dios.

4

¹ Che' an tyo la quic'ot jini t'an ba' ti w_Λ subonla Dios cha'an ch'ujbi la cochel ti c'aj oj la quic'ot, yom mi lac wen q'uel lac b_Λ ame an mu' b_Λ i lolon s_Λt i b_Λ cha'an mach ochic.

² Como tsa'ix subentiyonla jini t'an cha'an laj coty_Λntyel je'el che' bajche' ti subentiyob. Pero che' bajche' ma'an i c'_Λjnibal ti yubiyob. Ma'an ti' tyajayob i coty_Λntyel como ma'an ti' ch'ujbiyob jini tsa' b_Λ i yubiyob.

³ Pero joñonla tsa' b_Λ lac ch'ujbi Dios mi quejel la cochel ti c'aj oj ya' ti panchan la quic'ot Dios. Jiñ_Λch jini c'aj oj tsa' b_Λ i tyaja Dios ti' t'an ti ñoj oniyix ya' ti ty_Λquin b_Λ joch lum che' ñac ti' sube Moisés:

Mich'on quic'ot ili quixtyañujob. Jin cha'an, tic t'an mach'_Λ ba'an mi quejel i saj q'uxty_Λyel, tic subeyob

cha'an ma'an ba' b_Λ ora mi quejel c_Λq'ueñob i yochelob w_Λ' ba' mi' bej c'ajob i yoj quic'ot. Che' ti subenti lac yumob ti ñoj oniyix. Che' ti y_ΛΛ Dios aunque c'_ΛΛ ti ñoj oniyix che' ñac ti ujti i mele' mulawil yic'ot ti pejtyelel i b_Λl ti' w_Λ chajp_Λ ba' mi' c'ajob i yoj.

⁴ Como an ti' t'an Dios ba' mi' tyaje' ti t'an i q'uinilel c'aj oj. Mi y_Λle':

Dios ti' c'aja i yoj ti sietejelel b Δ q'uin como ti lu' ujt Δ i cha'len i toñel ti mel mulawil yic'ot ti pejtyelel i b Δ l ti seis q'uin.

⁵ Ti jini mismo b Δ t'an ti' t'an Dios an ba' ti y Δ l Δ Dios:

Mach'an mi quejel c Δ q'ueñob i yochelob ti c'aj oj quic'ot.

Che' ti y Δ l Δ Dios.

⁶ Jini tsa' b Δ i ñaxan ubiyob jini t'an cha'an laj coty Δ ntyel ti ñoj oniyix ma'an ti ochiyob ti c'aj oj yic'ot Dios como ti' ñus Δ beyob i t'an Dios. Pero mu' tyo quejel i yochel yaño' b Δ .

⁷ Jin cha'an Dios ti y Δ c' Δ yamb Δ ora cha'an ochic ti c'aj oj quixtyañu. Jiñ Δ ch wale iliyi ti ili b Δ q'uin. Como che' tsa'ix ñumi cab Δ l ora che' ujtyem i yubin ili t'an quixtyañujob tsa' b Δ ñus Δ beyob i t'an ti ñoj oniyix, Dios ti' poj c' Δ mbe i ti' juntiquil David b Δ i c'aba' cha'an mi' cha' ale' bajche' ti ajli ti yamb Δ ora. Ti y Δ l Δ :

Mi wale iliyi ti ili b Δ q'uin mi ti nijc Δ beyet la' pusic'al Dios,

mach yom la' w Δ c' ti ts Δ ts an la' pusic'al.

Che' ti y Δ l Δ David.

⁸ Lamital lac yumob ti ñoj oniyix ti p Δ ajiyob ochel ti ñajt b Δ lum. Pero mach jiniqui jini c'aj oj tsa' b Δ i y Δ l Δ Dios mi quejel i y Δ c'uentyelob. Como tsa'ic i p Δ y Δ yob ochel Josué jini israelob ya' ba' mi' c'ajob i yoj, che' ñumenix yoque cab Δ l ora ma'ix i c' Δ jnibal cha'an Dios i cha' tyaje' ti t'an jini c'aj oj cha'an mi y Δ le': Wale iliyi i yorojlelix c'aj oj, che'en.

⁹ Jin cha'an Dios yom tyo i y_Λq'uen i c'aj i yoj jini i cha'año' b_Λ che' bajche' ch_Λncol i c'aj i yoj Dios cha'an ti ujt_i i mele' mulawil yic'ot i b_Λ.

¹⁰ Como majchical jach mi y_Λjq'uel ochel ti c'aj oj ya' ba'an Dios mi quejel i c'aje' i yoj cha'an i troñel che' bajche' ti' c'aja i yoj Dios cha'an i troñel je'el.

¹¹ La' lac wen cha'len wersa, che' jini, cha'an ochiconla ti jini c'aj oj ame ujticonla che' bajche' ti ujt_i ti ñoj oniyix che' ñac jini israelob mach'an ti aq'uentiyob i yochelob ya' ti Canaán b_Λ i c'aba' b_Λ lum. Como jini tsa' b_Λ i ñ_{us}be ili t'an ti ñoj oniyix mach'an ti aq'uentiyob i yochelob ti jini lum.

¹² Wale iliyi lajal_Λch che' bajche' ti ñoj oniyix yom mi la c'ac ti lac pusic'al ili i t'an Dios. Che' bajche' cuxul_Λch i t'an Dios yubil como ñoj p'aty_Λ. It'an Dios ch'ujbi i yochel ti lac pusic'al che' bajche' jay b_Λ machit ti' cha'wejllel i yej. Mi' jeq'ue' lac pusic'al. Jini i t'an Dios mi y_Λq'ueñonla lac wen ña'tyan bajche' añaonla mi wen o mi mach wen lac pensal yic'ot mi y_Λq'ueñonla lac ña'tyan mi wen jini mu' b_Λ i mulan i cha'len lac pusic'al.

¹³ Lu' i melbal_Λch Dios ti pejtye_{lel} ch_Λ b_Λ yes an. Mi' lu' ña'tyan Dios ti pejtye_{lel} ch_Λ b_Λ mi lac cha'len yic'ot ch_Λ b_Λ mi lac pensalin. Mach saj ch'ujbi lac mucul cha'len mu' b_Λ lac cha'len. Lu' tsiquil ti' wut Dios. Mux lac wersa mel lac b_Λ ya' ti' tyojlel Dios.

Jesús ñoj ñuc b_Λ laj cura

¹⁴ An ñoj ñuc b_Λ laj cura yubil cha'an i pej_cbeñonla Dios. Jiñ_Λch Jesús i Yalobil Dios. Tsa'ix lets_i majlel ti panchan Jesús c'ala ya' ba'an Dios. Jin cha'an la' lac bej xuc'chocon lac pusic'al ti pejtye_{lel} i t'an Dios ch_Λncol b_Λ lac ch'ujbin.

15 Como Jesús jiñach ñoj ñuc bΛ laj cura yujil i wen p'untyañonla che' c'uñonla ti lac bajñel pusic'al. Como che' ñac wΛ' tyo an ti mulawil ti yubi wocol che' bajche' mi la cubin. An ti' lolon jop'o i yΛq'uen i yotsan i mul xiba. Pero ma'an ti' ch'ujbi. Ma'an ti saj yajli ti mulil.

16 Jini cha'an mach yom mi lac saj bΛc'ñan lac pejcan ti oración Dios como jini mi' wen p'untyañonla. Ya' buchul ti colem bΛ i buchlib ya' ti panchan. Cha'an ti caj ya'an Cristo i pejcΛbeñonla Dios, mi' wen cotyañonla Dios che' an lac wocol.

5

1 Como jujntiquil ñuc bΛ cura mi yajcΛntyel ba'an quixtyañujob. Mi yΛq'uentyel i ye'tyel cha'an i pejcΛben Dios quixtyañujob. An ti' wenta i yΛq'uen i majtyan Dios yic'ot tsΛnsΛbil bΛ i majtyan cha'an i ñusΛntyel mulil.

2 Jini ñuc bΛ curajob ch'ujbi i wen p'untyañob jini tsa' bΛ i ñusΛbe i t'an Dios cha'an ti caj ma'an ti' ch'Λmbeyob isujm o mi ti' cha'le mach'Λ tyoj. Yujilob bajche' mi' ñusañob como an mi' jac'ob i pΛyol ti mulil je'el.

3 Jin cha'an wersa mi yΛq'uen i majtyan Dios cha'an i ñusΛntyel i bajñel i mul che' bajche' mi yΛq'uen Dios i majtyan cha'an i ñusΛntyel i mul yaño' bΛ je'el.

4 Ma'an majch ch'ujbi i bajñel yajcan i bΛ cha'an i yochel ti ñuc bΛ cura. Pero wersa mi yajcΛntyel ti Dios cha'an mi yochel ti ili ñuc bΛ ye'tyel lajal che' bajche' ti yajcΛ Dios juntiquil Aarón bΛ i c'aba'.

5 Ch'Λ'ach Cristo je'el, ma'an ti' bajñel yajcΛ i bΛ cha'an mi yochel ti ñuc bΛ cura. Pero ti yajcΛanti ti Dios. Como Dios ti' sube:
CalobilityΛch.

Wale ti ili bΛ q'uin chΛncol c tsictisan cha'an calobilityΛch.

Che' ti yΛΛ Dios.

6 Ti' t'an Dios an ba' Dios ti' tyaja ti t'an Cristo. Ti yΛΛ:

Jatyet ñuquet bΛ cura cha'an ti bele' ora,
che' bajche' juntiquil am bΛ i ye'tyel ti ñuc bΛ cura
Melquisedec bΛ i c'aba'.

Che' mi yΛe'.

7 Che' ñac wΛ' tyo an ti mulawil Cristo ti' wen pejcΛ Dios ti oración. Ti' cha'le uq'uel. Ti' pejcΛ ti wocol t'an como an i p'ΛtyΛlel Dios cha'an mi yom, ch'ujbiyΛch i cotyan cha'an ma'an mi sajtyel. Cha'an yoque xuc'ul Cristo, Dios ti' yubibe i yoración.

8 Cristo, aunque i YalobilΛch Dios, ti' pΛs'Λ bajche' ti' wen ch'ujbibe i t'an i Tyat am bΛ ti panchan cha'an ti wocol tsa' bΛ i ñusa.

9 Yoque ts'ΛcΛl ti' ch'ujbi Dios Cristo aunque ti' wen ñusa wocol. Jin cha'an ma'an chΛ bΛ saj yom yambΛ cha'an ochic ti ajcotyaya i cha'an majchical jach yom i wen ch'ujbin cha'an mi yΛq'uentyel i cuxtyΛlel mach'Λ yujil jilel.

10 Che' jini Dios ti yajcΛ Cristo cha'an mi yochel ti ñuc bΛ cura che' bajche' am bΛ i ye'tyel ti ñuc bΛ cura jini juntiquil Melquisedec bΛ i c'aba'.

BΛq'uentic mi ti laj cΛyΛ Jesucristo

11 An tyo cabΛl com bΛ lojon c subeñetla cha'an i sujmllel jini ñuc bΛ cura. Pero wocol i tsictisΛntyel

como che' bajche' mach ch'ujbi la' ch'Λm'en i sujmllel yubil.

¹² Cha'an anix ora ti queji la' wubin i t'an Dios, yomox ochiquetla ti ajcΛntisa ti' t'an Dios i wentyΛlel. Pero mach che'ic añetla. Yom tyo juntiquil mu' bΛ i cha' cΛntisañetla jini mach'Λ ba'an wocol bΛ i sujmllel tyac mu' bΛ lac ñaxan ch'ujbin che' mi la cochel ti' t'an Dios. Cha'an ma' ti la' xuc'choco la' pusic'al ti' t'an Dios che' bajche' ti cha' sujtiyetla ti saj alp'eñalob yubil mu' tyo bΛ i ch'Λme' i chu'. Max tyo ch'ujbi la' c'uxe' waj yubil.

¹³ Como majchical jach chΛncol tyo bΛ i ch'Λme' i chu' yubil max tyo ba'an mi' ña'tyan bajche' yom i yajñel ti tyoj ti' t'an Dios como alΛ tyo yubil.

¹⁴ Mi' c'uxob waj yubil jini tsa'ix bΛ i tyajayob i colel. JiñΛch jini mu' bΛ i bele' pensalin ti' pusic'al bajche' yom i cha'len, como mi' ña'tyan chΛ bΛ wen yic'ot chΛ bΛ mach'Λ wen.

6

¹ La' lac más cΛñe' majlel yambΛ i sujmllel tyac am bΛ ti i t'an Dios cha'an wen xuc'leconla. La' laj cΛy lac cΛle' jini jach cha'chajp uxchajp bΛ i sujmllel tsa' bΛ lac ñaxan ch'ujbi cha'an Cristo che' ñac ti lac ñaxan ubi i t'an Dios. Yom mi lac bej cΛn majlel i t'an Dios. Mach yom jini jach mi lac bej ale' bajche' yom mi laj q'uextyan lac pensal cha'an laj cΛy lac tsΛcLen jini mu' bΛ i yΛq'ueñonla cotsan lac mul. Mach yom jini jach mi lac bej cha' ale' bajche' yom mi lac ch'ujbin Dios.

² Mach yom jini jach mi lac bej cha' ubin laj cΛntisa cha'an ch'Λm ja' mi cha'an i yΛc'ol c'ΛbΛl ti

la col mi cha'an mi cha' tyejchel sajtyemo' b_Λ mi cha'an xot'mulil mach'Λ ba'an mi jilel.

³ Mi che' yom Dios, mi quejel laj c_Λn majlel yamb_Λ i sujmllel tyac.

⁴ Como mi an majch mi' cha' c_Λy Dios che' tsa'ix i ch'Λmbe i sujmllel i t'an Dios, che' tsa'ix i tyaja i coty_Λntyel ti Cristo, che' tsa'ix ochi Ch'ujul b_Λ i Ch'ujlel Dios ti' pusic'al,

⁵ che' tsa'ix i mul_Λ i yubin i c'otyajlel i t'an Dios, che' ti yil_Λ bajche' ti' p_Λs_Λ i p'_Λty_Λlel Cristo w_Λ' ti mulawil cha'an ch'ujbi i ña'tyan más tyo cab_Λl mi quejel i p_Λse' i p'_Λty_Λlel ti panchan,

⁶ che' jini, mi ti' c_Λy_Λ i ch'ujbin Dios, che' bajche' mach ch'ujbi i cha' q'uextyan i pusic'al cha'an i cha' ch'ujbin Dios yubil. Como ti caj ti y_Λc'Λ ti wen ts_Λts an i pusic'al che' bajche' ch_Λncol i cha' y_Λc' ti joc'chocontyel ti cruz i Yalobil Dios yubil yic'ot che' bajche' ch_Λncol i y_Λc' ti wajlentyel Cristo yubil.

⁷ Como jini mu' b_Λ i ch'ujbin Cristo ti jump'ej i pusic'al mi quejel i c_Λñ_Λty_Λntyel. Ti lajoñel añ_Λch che' bajche' lum mu' b_Λ i wen ac' i wut. Como che' mi yubin ja'al mi cab_Λl ac' i wut jini lum. Che' jini mi' wen c_Λñ_Λty_Λntyel ti jini mu' tyo b_Λ quejel i c'ajben i wut.

⁸ Pero jini tsa' b_Λ i c_Λy_Λ i t'an Dios lajalob yubil che' bajche' lum ba' mi cab_Λl colel ch'ix tyac aunque mi' wen ubin ja'al je'el. Ma'ix sajlic ch_Λ b_Λ i c'Λjnibal jini lum yubil. Quixtyañu mi quejel i y_Λlob: Ch_Λchix ajni ili lum. Lolom jach mi lac cha' p_Λq'ue'. Che' mi quejel i y_Λlob. Tyal i yorojlel mi quejel i pulel ti pejtyelel jini ch'ix tsa' b_Λ coli.

Jini mu' b_Λ lac pijtyan mi y_Λq'ueñonla la cajñel ti xuc'ul

⁹ Pero p'unty_Λbilet b_Λ la hermañujob, ch_Λ'ic_Λch ch_Λncol c lojon subeñet, cujil lojon isujm mach che'ic añetla. Mi c_Λl ch_Λncol la' cha'len bajche' yom che' coty_Λbiletla.

¹⁰ Bele' tyoj_Λch Dios. Mach saj ñajayic ti i pusic'al bajche' ti la' cha'libe i troñel, yic'ot bajche' ti a coty_Λ i cha'año' b_Λ Dios cha'an ti caj ma' wen p'untyan Dios. Ch_Λncol tyo a bej cotyañob.

¹¹ Jini com b_Λ, jiñ_Λch cha'an ti jujuntiquiletla mi la' bej cotyan la' pi'_Λlob ti i tijicñayel la' pusic'al. Ch_Λ'_Λch yom mi la' cha'len c'_Λl_Λ jintyo mi la' sajtyel. Che' jini, ti pejtyelex la' pusic'al mi quejel la' ña'tyan cha'an an la' cuxy_Λlelex mach'_Λ yujil jilel.

¹² Mach com lojon mi la' ts'ub'an. Pero yom ajni-quetla bajche' mi yajñel jini ch_Λncol b_Λ i ch'ujbiñob Dios ti xuc'ty_Λlelex i pusic'al yic'ot ch_Λncox i cuchob ti wen ch_Λ b_Λ jach mi' cuchob como ch_Λncox i y_Λq'uentyexob ti pejtyelex tsa' b_Λ i w_Λ al_Λ Dios mi quejel i y_Λq'uen.

¹³ Como che' ñac Dios ti y_Λq'ue Abraham i t'an mach'_Λ yujil q'uextiyel cha'an bajche' mi quejel i cotyan, ti' xuc'choco i t'an Dios ti' bajñel b_Λ i c'aba'. Como ma'an majch más ñuc bajche' Dios, ba' ch'ujbi i xuc'chocon i t'an.

¹⁴ Dios ti' sube Abraham: Melelex muc'_Λch c bele' aq'ueñet ch_Λ b_Λ wen. Mux c_Λc' ti wen oc'an a jiñ_Λjlelex. Che' ti y_Λl_Λ Dios.

¹⁵ Abraham jal ti' pijty_Λ. Mach'an ti' lujb'_Λ i pijtyan. Che' jini ti aq'uenti jini tsa' b_Λ i w_Λ al_Λ Dios mi quejel i y_Λq'uentyex Abraham.

16 Como che' mi' xuc'chocon i t'an quixtyañujob mi' tyajob ti t'an i c'aba juntiquil más ñuc bΛ. Che' jini mach ch'ujbi i saj q'uextyan i t'an tsa' bΛ ajli, como tsa'ix i xuc'choco i t'an.

17 Dios yom i pas cha'an ñoj melelech i t'an bajche' ti' ña'tyΛ i cha'len cha'an jini mu' tyo bΛ quejel i yΛq'ueñob ti pejtyelel tsa' bΛ i wΛ alΛ Dios mi quejel i yΛq'ueñob. Jin cha'an ti' xuc'choco i t'an. Tsiquil che' jini cha'an mach ch'ujbi i saj q'uextyan i t'an. Pero mi quejel i wersa ts'actisan Dios bajche' ti wΛ alΛ.

18 Dios mach ch'ujbi i saj cha'len lot. An cha'chajp mach'Λ saj yujil q'uextyayel. JiñΛch i t'an tsa' bΛ i xuc'choco Dios yic'ot jini tsa' bΛ i wΛ alΛ Dios mi quejel la cΛq'uentyel. Joñonla tsa' bΛ la cΛc'Λ lac bΛ ti Dios cha'an i cΛñΛtyañonla, cha'an ti caj jini cha'chajp wen an i ñuc isΛntyel lac pusic'al cha'an mi lac ch'ujbin Dios ti jump'ej lac pusic'al.

19 Xnijca barcojob mi' c'añob colem tsucul tyaq'uin mu' bΛ i choc ochel ti ja' cha'an ma'an mi' bej nijcayel barco. Ti lajoñel che' mi lac bej pensalin laj cotyΛntyel mi' xuc'chocontyel lac pusic'al cha'an ma'an mi la cotsan lac mul yic'ot cha'an ma'an mi nijcayel lac pusic'al ti ba'ical bΛ pensal. Ch'ujbi lac xuc'chocon lac pusic'al che' bajche' jini como la cujil isujm ya'an Jesús ti panchan ba' mi' pejcΛbeñonla Dios.

20 Ya' ti majli ti panchan Jesús ba' chΛncox i pijtyañonla. Ti' pas'eyonla majlel bij yubil. Ti otsΛnti Jesús ti ñuc bΛ cura yubil cha'an ti bele' ora mi' pejcΛbeñonla Dios. An i ye'tyel ti ñuc bΛ cura che' bajche' Melquisedec ti ñoj oniyix.

7

Lajal i ye'tyel ti ñuc bΛ cura Jesús yic'ot Melquisedec

¹ Jini Melquisedec an i ye'tyel ti ñuc bΛ yumΛl ya' ti lum Salem bΛ i c'aba'. Dios mach'Λ ba'an i p'isol i p'ΛtyΛlel ti yotsΛ Melquisedec ti ñuc bΛ cura. Abraham ti' cha'le guerra ti' contra cabΛ ñuc bΛ yumΛlob. Ti' ganari. Che' ñac sujtyel muc' Abraham, Melquisedec ti loq'ui majlel i tyaje'. Melquisedec ti yΛq'ue i yutslel i t'an Abraham.

² abraham ti' loc'sΛ jump'ej loq'uem bΛ ti diez tyac ti pejtyelel tsa' bΛ i ganari che' ñac ti' cha'le querra yic'ot ñuc bΛ yumΛlob. Ti yΛq'ue Melquisedec. An i sujmllel i c'aba' Melquisedec ti lac t'an. Yom i yΛle' tyoj bΛ yumΛl. An i sujmllel Salem ti lac t'an je'el. Yom i yΛle' i ñach'tyΛlel. Che' jini, cha'an ti caj an ñuc bΛ yumΛl Melquisedec ya' ti Salem an i sujmllel i c'aba' ti ñuc bΛ yumΛl mu' bΛ ti ñach'chocoya.

³ Ma'an ba' ts'ijbubil ti jun i c'aba' i tyat i ña' mi i yumobic ti ñoj oniyix jini Melquisedec. Ma'an ba' ts'ijbubil ti jun baqui bΛ q'uin ti' ch'ocΛ yic'ot ma'an ts'ijbubil mi ti sajti. Tsiquil che' jini, mach lajal bajche' yambΛ ñuc bΛ curajob. Che' bajche' ma'ix i tyejchibal mi i yujtibalic i ye'tyel ti ñuc bΛ cura yubil. Jin cha'an lajalΛch bajche' Yalobil Dios yubil am bΛ ye'tyel ti cura cha'an ti bele' ora.

⁴ Che' jini pensalin bajche' an i ñucllel jini Melquisedec. Tsiquil an i ñucllel como Abraham, jiñach lac yum ti ñoj oniyix, ti yΛq'ue Melquisedec jump'ej loq'uem bΛ ti diez tyac ti pejtyelel tsa' bΛ

i ganari che' ñac ti' cha'le guerra ti' contra ñuc b_Λ yum_Λlob.

⁵ An ti i mandar Moisés cha'an curajob loq'uem b_Λ ti' jiñ_Λjlel Leví mi' loc's_Λbeñob jump'ej loq'uem b_Λ ti diez tyac ch_Λ b_Λ an i cha'an i pi'_Λlob aunque junlajal i jiñ_Λjlelob Abraham.

⁶ Pero jini Melquisedec aunque mach i jiñ_Λjlelic Leví ti' ch'_Λm_Λ jump'ej loq'uem b_Λ ti diez tyac ch_Λ b_Λ an i cha'an Abraham. Jini Abraham jiñ_Λch jini tsa' b_Λ aq'uenti w_Λ albil b_Λ t'an i cha'an Dios cha'an jini mu' tyo b_Λ quej i y_Λq'uentyel. Melquisedec ti y_Λq'ue Abraham i yutslel i t'an.

⁷ Lu' yujil isujm cha'an más an i ñucler jini mu' b_Λ i cha'len aq'ueya che' mi y_Λq'uen i yutslel i t'an che' bajche' mu' b_Λ quejel i y_Λq'uentyel i yutslel i t'an.

⁸ I ty_Λlel mi sajtyel quixtyañujob. Quixtyañujob_Λch jini curajob mu' b_Λ i ch'_Λme' jump'ej loq'uem b_Λ ti diez tyac ch_Λ b_Λ an i cha'an quixtyañujob. Pero jini Ts'ijbubil b_Λ i T'an Dios mi' tyaj ti t'an Melquisedec che' bajche' juntiquil bele' cuxul tyo b_Λ.

⁹ Ch'ujbi la c_Λle' cha'an ti jim b_Λ ora che' ñac Abraham ti y_Λq'ue Melquisedec jump'ej loq'uem b_Λ ti diez tyac ch_Λ b_Λ an i cha'an jini Leví yic'ot i jiñ_Λjlel Leví ti y_Λq'ueyob Melquisedec jump'ej loq'uem b_Λ ti diez tyac ch_Λ b_Λ añob i cha'an je'el i wenty_Λlel aunque max tyo ch'oquem jini Leví.

¹⁰ Como Abraham i yum_Λch Leví ti ñoj oniyix. Jin cha'an che' bajche' an ti' b_Λc'tyal Abraham jini Leví yubil como max tyo ch'oca Leví che' ñac Melquisedec ti' tyaja Abraham ti bij.

11 Dios ti' c'aññ i jiñajlel Aarón cha'an mi yajñel ti curajob cha'an mi' yalq'ueñob mandar tyac israelob. Jini curajob i jiñajlel Leví je'el. Pero jini curajob i jiñajlelo' bñ Leví mach ch'ujbi i ñusñbeñob i mul quixtyañujob tsa' bñ i ch'ujbiyob mandar tyac cha'an mi yajñelob ti tyoj ti' tyojlel Dios. Jin cha'an wersa ti tyali yambñ cura mach'ñ lajal yic'ot jini cura i jiñajlel Aarón, pero lajalñch yic'ot Melquisedec jiñi Jesús.

12 Como che' mi q'uextiyel bajche' mi yajcan i yotsan ti ye'tyel yambñ cura, wersa mi' q'uextyan mandar tyac je'el.

13 Jini chñncol bñ i tyaj ti t'an jini Ts'ijbubil bñ i T'an Dios, jiññch lac Yum Jesús. Loq'uem lac Yum ti yambñ junmujch' quixtyañu judajo' bñ i c'aba'. Ma'an ba' bñ ora ti aq'uenti i ye'tyel ti cura jini loq'uem bñ ti Judá.

14 Yoque tsiquilñch che' loq'uem lac Yum ti jiñajlel Judá. Pero che' ñac ti' tyaja ti t'an Moisés jini mu' bñ i yochelob ti cura ma'an ti' tyaja ti t'an ili junmujch' quixtyañujob.

15 Pero más tyo tsiquil cha'an wersa ti q'uextyñnti jini mandar tyac cha'an bajche' mi yajcñntyel curajob como lajalñch bajche' Melquisedec jini tsiji' bñ cura tsa' bñ otsñnti ti ye'tyel.

16 Como Cristo ti otsñnti ti cura ti caj an i cuxtyñlel mach'ñ yujil jilel. Ma'an ti otsñnti cha'an ti caj loq'uem ti jini junmujch quixtyañu ba' mi yñle' ti mandar i cha'an jach bñ mi yochelob.

17 Como Dios ti' tyaja ti t'an Cristo che' ñac ti yñññ: Jatyet ñuquet bñ cura cha'an ti bele' ora

che' bajche' jini ñuc b_Λ cura Melquisedec b_Λ i c'aba'.
Che' ti y_{ΛΛ} Dios.

¹⁸ Ti jili i c'ajñibal jini mandar cha'an bajche' mi yochelob ti cura i jiñ_Λjlel Leví como ma'ix bej an i p'_Λty_Λlel mandar. Ma'ix i c'ajñibal.

¹⁹ Mach ch'ujbi i tyoj is_Λben i pusic'al quixtyañu jini mandar tsa' b_Λ aq'uenti Moisés. Pero wale an más wen b_Λ, jiñ_Λch Jesús. Cha'an ti Jesús ch'ujbi lac laq'ue' Dios.

²⁰ Dios ti' xuc'choco i t'an che' ñac ti yots_Λ Jesús ti cura.

²¹ Como yaño' b_Λ curajob che' jach ti ots_Λntiyob ti cura. Pero che' ñac ti ots_Λnti Jesús, Dios ti' xuc'choco i t'an. Ti Ts'ijbubil b_Λ i T'an Dios mi y_Λ: Dios ti' xuc'choco i t'an mach'_Λ saj yujil q'uexy_Λyel.

Jatyet curajet ti bele' ora che' bajche' Melquisedec. Che' ti subenti Jesús.

²² Jin cha'an, más wen jini tsiji' b_Λ trato b_Λ t'an che' ti ochi Jesús ti cura. Como ya'an Jesús ti panchan cha'an i pejc_Λbeñonla Dios. Mi y_Λ cha'an mi quejel i yujtyel che' bajche' an ti jini trato b_Λ t'an.

²³ Cab_Λl jini yaño' b_Λ curajob ti ots_Λntiyob ti ye'tyel como mi sajtyelob. Jin cha'an mach ch'ujbi jalecob.

²⁴ Pero Jesús ma'an mi sajtyel. Jin cha'an ma'an mi yochel yamb_Λ cura ti' q'ue_{xol} Jesús.

²⁵ Jin cha'an ch'ujbi i cotyan ti bele' ora majchical jach mi' laq'ue' Dios cha'an ti' ch'ujbi Jesús. Como bej cuxul Jesús cha'an i pejc_Λbeñob Dios.

26 Bajche' an Jesús jiñach bajche' yoque yom cha'an ñuc b_Λ laj cura. Como ch'ujulach. Ma'ix i simaronlel. Ma'ix i mul. Aunque ti ajni yic'ot xmulilob w_Λ' ti mulawil ma'an ti' saj cha'le mach'Λ wen. An i ñuclel ti panchan yic'ot Dios.

27 Como Jesús mach che'ic mi' cha'len bajche' yaño' b_Λ curajob como ti jujump'ej q'uin mi' wersa ts_Λns_Λben i majtyan Dios ñaxan cha'an i ñus_Λntyel i bajñel i mul yic'ot ti wi'il cha'an i ñus_Λntyel i mul yamb_Λ quixtyañujob. Pero che' ñac ti y_Λc'Λ i b_Λ ti sajtyel Jesús jiñach junyajlel jach b_Λ i majtyan Dios cha'an i ñus_Λntyel i mul majchical jach mi' ch'ujbin.

28 Como yamb_Λ ñuc b_Λ curajob tsa' b_Λ yajc_Λnti bajche' mi y_Λle' ti i mandar Moisés yujil i cha'len mach'Λ wen como quixtyañujob jach. Jin cha'an mach ch'ujbi i junyajlel cotyañonla. Che' ñumenix cab_Λl ora Dios ti' xuc'choco i t'an cha'an mi yochel ti ñuc b_Λ cura i Yalobil mu' b_Λ i cha'len yoque tyoj b_Λ cha'an ti bele' ora. Ma'ix ch_Λ b_Λ tyo yamb_Λ yom cha'an i cotyañonla ti bele' ora.

8

Jesús la caj cotyayajach ti jini tsiji' b_Λ trato b_Λ t'an

¹ Jini más ñuc b_Λ i sujmllel ti pejtyelex tsa' b_Λ lojon c subeyetla jiñach cha'an mi la' ch'Λm'en i sujmllel cha'an añach ñoj ñuc b_Λ laj cura bajche' ujtyel c subeñetla. Jiñach Cristo. Ya' buchul i cha'len yum_Λl ba' buchul Dios ya' ti panchan. Buchul Cristo ti' ñoj cha'an tsiquil mi q'uejlel ti ñuc.

² Ti jini pisil b_Λ otyot melel b_Λ ti' c'Λb quixtyañu ba' ti' cha'le i ye'tyel curajob ti ñoj oniyix w_Λ' ti

mulawil, an jump'ej i mal mu' b_Λ i pejc_Λantyel ti Ñoj Ch'ujul b_Λ Ajnib_Λl. Pero jini ñoj ñuc b_Λ laj cura, jiñ_Λch Cristo. Mi' cha'len i ye'tyel ti cura ya' ti panchan ba' ñoj ch'ujul. Jiñ_Λch ajnib_Λl meel b_Λ ti lac Yum. Mach'an ti mejli ti' c'Λb quixtyañujob.

³ Como ti ñoj oniyix ti jujuntiquil ñuc b_Λ cura ti aq'uentiyob i ye'tyel cha'an i yaq'uen i majtyan tyac Dios yic'ot ts_Λns_Λabil b_Λ i majtyan tyac. Jin cha'an wersa yom an ch_Λ b_Λ an i cha'an Jesucristo je'el cha'an mi yaq'uen Dios.

⁴ Pero w_Λ'ic an ti mulawil Jesucristo, ma'an ti ots_Λanti ti cura. Como an tyo curajob w_Λ' ti mulawil mu' b_Λ yaq'ueñob i majtyan tyac Dios bajche' mi ya'le' ti i mandar Moisés.

⁵ Pero jini curajob w_Λ' ti mulawil mi' cha'liben i ye'tyel che' bajche' i ya_Λxñal jach yubil jini yoque am b_Λ i ye'tyel ti cura ya' ti panchan. Tsiquil i ya_Λxñal jach como ti jim b_Λ ora che' ñac Moisés ti queji i mele' pisol b_Λ i yotyot Dios, Dios ti' sube: Wen q'uele bajche' yom cha'an ma' mele' junlajal bajche' ti p_Λs'entiyet ya' ti wits. Che' ti ya_ΛΛ Dios.

⁶ Más wen bajche' ch'ujbi i cotyañonla jini ñoj ñuc b_Λ laj cura che' bajche' ti mejli i cotyan quixtyañujob jini yaño' b_Λ curajob ti ñoj oniyix. Más wen je'el jini tsiji' b_Λ trato b_Λ t'an che' bajche' jini trato b_Λ t'an tsa' b_Λ aq'uenti Moisés como an ti tsiji' b_Λ trato b_Λ t'an más wen b_Λ albil b_Λ i cha'an Dios mu' b_Λ i yaq'ueñonla. Jesucristo la cajcotyayaj_Λch ti jini tsiji' b_Λ trato b_Λ t'an.

⁷ Como junyajlel ts'_Λc_Λlic jini ñaxan b_Λ trato b_Λ t'an, ma'an ch_Λ b_Λ och yom tsiji' b_Λ t'an ti' q'ueuxol.

⁸ Pero Dios ti' ña'tya cha'an ma'an tyoj añob jini quixtyañujob ti ñoj oniyix cha'an i tyajob jini tsa' b_Λ

w_Λ ajli ti jini ñaxan b_Λ trato b_Λ t'an cha'an mi quej i y_Λq'uentyelob. Como Dios ti' tyaja ti t'an Ts'ijbubil b_Λ i T'an Dios ba' ti y_ΛΛ:

Lac Yum mi y_Λ: Tyal i yorojlel

che' mi quejel c mele' tsiji' b_Λ trato b_Λ t'an yic'ot israelo' b_Λ quixtyañujob yic'ot jini judajo' b_Λ.

⁹ Mach junlajal jini tsiji' b_Λ trato b_Λ t'an che' bajche' jini tsa' b_Λ c mele' yic'ot la' yumob ti ñoj oniyix

che' ñac tij coty_Λyob loq'uel ti Egipto b_Λ pañimil.

Pero ma'an ts'_Λc_Λl ti' ch'ujbiyob c t'an bajche' an ti trato b_Λ c t'an.

Jin cha'an tij c_Λy_Λyob.

¹⁰ Jini tsiji' b_Λ trato b_Λ c t'an mu' b_Λ c wa'chocon yic'ot israelob che' ñumenix cab_Λl q'uin mi y_Λle' bajche' jini:

Mi quejel c_Λq'ueñob cha'an wen c'ajalob i cha'an jini c mandar tyac.

Mi quejel c ts'ijbubeñob ti i pusic'alob yubil.

Che' jini mi quejel i Diosiñoñob.

Mi quejel i yochelob tic cha'añob.

¹¹ Mach wersa an majch mi quejel i c_Λntisañob mi junticlec i pi'_Λlob,

mi i pi'_Λlobic ti chumty_Λl mi i yermañujobic cha'an i ch'ujbiñob lac Yum

como ti pejtyelelob mi an i ñuclél mi ma'ix i ñuclél mi quejel i ch'ujbiñoñob.

¹² Mi quejel c ñus_Λbeñob jini mach'_Λ wen b_Λ i cha'libal.

Ma'an ba' b_Λ ora mi quejel c cha' c'ajtisan i mul.

Che' ti y_ΛΛ lac Yum.

¹³ Che' Dios ch_Λncol i tyaje' ti t'an jini tsiji' b_Λ trato b_Λ t'an, tsiquil che' jini cha'an ch_Λncol i

q'uele' che' bajche' tsuculix jini ñaxan b_Λ. Ma'ix jal mi quejel i jilel ch_Λ b_Λ tyac jach ch_Λncol b_Λ i tsuculiyel, ch_Λncol b_Λ i jilel i c'Λjnibal.

9

Ch'ujul b_Λ ajnib_Λl am b_Λ ti mulawil yic'ot ch'ujul b_Λ ajnib_Λl am b_Λ ti panchan

¹ An mandar tyac ti jini ñaxan b_Λ pacto b_Λ t'an je'el tsa' b_Λ i y_ΛΛ bajche' yom i ch'ujutisañob Dios. An pisil b_Λ i yotyot je'el ba' ti' meleyob culto.

² Jiñ_Λch bajche' mejlem jini pisil b_Λ otyot. An cha'p'ej i mal. Jini ñaxan b_Λ mal mi pejc_Λntyel ti Ch'ujul b_Λ Ajnib_Λl. Ya'an i yajnib vela yic'ot mesa yic'ot waj tsa' b_Λ aq'uenti Dios.

³ An cha'p'ej colem joc'ol b_Λ pisil cha'an t'oxlec ti saj mal tyac jini pisil b_Λ otyot. Ti jumpatlel jini cha'p'ejlel b_Λ pisil an jini cha'p'ejlel b_Λ saj mal mu' b_Λ i pejc_Λntyel ti Ñ_{oj} Ch'ujul b_Λ Ajnib_Λl.

⁴ Ya' ti malil jini Ñ_{oj} Ch'ujul b_Λ Ajnib_Λl an jump'ej yajnib meel b_Λ ti oro ba' mi pujlel pom. Ya'an je'el i cajajlel jini trato b_Λ t'an wox b_Λc'Λl ti oro. Ti malil jini caja an uc'um i wenty_Λlel meel b_Λ ti oro am b_Λ i b_Λl i wenty_Λlel waj tsa' b_Λ yajli jubel ti panchan maná b_Λ i c'aba'. An je'el ti malil jini caja i ñ_Λ'tye' Aarón tsa' b_Λ loq'ui i ñich, yic'ot ya'an je'el jini tyun ba' ts'ijbubiliz trato b_Λ t'an.

⁵ Ya' ti pam jini caja an querubines b_Λ i c'aba'. C'otyajax ti q'uelol. Lajal ti q'uelol che' bajche' ajtroñel i cha'an Dios ch'oyol b_Λ ti panchan. An i wich' jini querubines. Pero meel jach ti oro. Jini querubines i c'ajtis_Λntyel cha'an ya'an Dios. Ti i wich' mi' mose' i wenty_Λlel i yajnib ba' ti ajq'ui

tsANSΛbil bΛ i majtyan Dios. Pero wale iliyi mach ch'ujbi lac más ale' bajche' an ya'ya'i.

⁶ ChΛ'ach lu' chajpΛbil jini pisil bΛ otyot bajche' ti ujti cΛle'. Jini curajob ti ochiyob ti jini ñaxan bΛ saj mal ti jujump'ej q'uin cha'an i cha'liben i ye'tyel Dios bajche' i tyΛlel ti' cha'leyob.

⁷ Pero jump'ej jach q'uin ti jujump'ej jab jini ñoj ñuc bΛ cura i bajñel ti ochi ti jini cha'p'ejlel bΛ saj mal. Che' ñac ti ochi ti' wersa ch'ΛmΛ ochel i ch'ich'el alΛq'uil tyac cha'an i yΛq'ue' cha'an i bajñel i mul yic'ot cha'an i mul yaño' bΛ quixtyañujob tsa' bΛ i cha'leyob cha'an ma'an ti' ña'tyΛyob isujm.

⁸ ChΛ'ach bajche' jini, jini Ch'ujul bΛ i Ch'ujlel Dios mi' tsictisΛbeñonla cha'an c'ΛΛ che' ñac jini curajob ti bej ochiyob i cha'liben i troñel Dios ti jini Ch'ujul bΛ Ajnibal ti pisil bΛ otyot mach'an ti aq'uenti quixtyañujob i ña'tyan bajche' ch'ujbi i bajñel lac'ob Dios ti oración.

⁹ Ti pejtyelel bajche' ti' cha'leyob ti pisil bΛ otyot ti ñoj oniyix jiñach jump'ej lajoñel i wentyΛlel cha'añonla wale iliyi. Jini majtyan tyac yic'ot tsANSΛbil bΛ i majtyan Dios tsa' bΛ aq'uenti Dios mach'an ti' sΛc isΛbe i pusic'al jini quixtyañujob tsa' bΛ i ch'ujutisayob Dios che' bajche' jini.

¹⁰ Jini mandar tyac ti ñoj oniyix tsa' jach yΛΛ chΛ bΛ yom i c'uxob, chΛ bΛ yom i japob yic'ot bajche' yom i cha'leñob pocoñel. Pero ti pejtyel jini mandar tyac che' jach ti' xiq'ui bajche' yom cha'an i bΛc'tyal quixtyañujob. Ma'an ti' xiq'ui bajche' yom cha'an i pusic'al. Che' jach an i c'Λjnibal jini mandar tyac jintyo Dios ti yΛq'ue tsiji' bΛ i q'uexol.

11 Pero wale tsa'ix tyali Cristo. Ti' otsanti ti ñoj ñuc bΛ cura cha'an jini wen tyac bΛ tsa' bΛ ajli cha'an jiñach mu' tyo bΛ quejel i tyalel. Wale tsa'ix juli. Jini pisil bΛ otyot i wentyalel ya' ti panchan ba' mi' cha'len i ye'tyel Cristo ti cura, más wen, más ts'acal bajche' jini tsa' bΛ i c'añla curajob wΛ' ti mulawil ti ñoj oniyix. Como mach'an melel ti quixtyañujob. Mach i cha'anic mulawil.

12 Cristo ti ochi ya' ti Ñoj Ch'ujul bΛ Ajnibal ya' ti panchan. Mach'an ti' ch'ama ochel i ch'ich'el chibu yic'ot saj wacax cha'an i yaq'uen i majtyan Dios. Pero che' bajche' ti' ch'ama ochel i bajñel i ch'ich'el yubil como ti sajti. Junyajlel jach ti ochi cha'an ti lac pejtyelel. Ti i ch'ich'el ti' mañayonla cha'an ti bele' ora.

13 Como melelach jini quixtyañujob, bibi'ob jax yubil, che' mach'an ts'acal ti' ch'ujbiyob mandar tyac cha'an bajche' i tyalel yom ajnicob ti sac isantiyob i bac'tyal jach. Ti sac isanti ti i ch'ich'el tyat wacax yic'ot i ch'ich'el chibu yic'ot i tyaniñil saj wacax tsa' bΛ pulbenti ti yajnib i majtyan Dios mu' bΛ i tsijcanyel ti' bac'tyal cha'an i ñusanyel jini tsa' bΛ i cha'leyob.

14 Yoque más an i c'ajnibal i ch'ich'el Cristo cha'an i cotyañonla che' bajche' i ch'ich'el ba'ical bΛ ala'q'uil. Como Cristo mach sajlic an i mul. Cha'an ti Ch'ujul bΛ i Ch'ujlel mach'Λ yujil jilel ti yac'Λ i bΛ cha'an tsansabil bΛ i majtyan Dios. Cha'an ti sajti Cristo ch'ujbi lac cha'liben i ye'tyel jini cuxul bΛ Dios. Como Cristo ti sac isayonla cha'an mach'an mi lac cha'len mach'Λ wen bΛ mu' bΛ i bibi'tisañonla ti' wut Dios.

15 Cristo mi yajñel ti la caj cotyaya cha'an jini tsiji' b_Λ trato b_Λ t'an. Che' jini ti pejtyelelob jini p_Λy_Λabilo' b_Λ ti Dios ch'ujbi i y_Λq'uentyel jini mach'_Λ saj yujil jilel tsa' b_Λ w_Λ al_Λ Dios mi quejel i y_Λq'uentyel. Ti sajti Cristo cha'an i ñ_Λus_Λantyel i mul quixtyañujob tsa' b_Λ i cha'leyob che' ñ_Λac ch_Λncol tyo i ch'ujbiñob i mandar tyac jini ñ_Λaxan b_Λ trato b_Λ t'an.

16 Che' an majch mi' ts'ijbun ti jun bajche' yom i t'oxty_Λl ch_Λ b_Λ an i cha'an che' mi sajtyel, mach'an mi' ch'ujbin bajche' ts'ijbubil ti jun jintyo mi sajtyel i yum jun.

17 Mach'an i c'_Λjñibal jun cha'an t'oxlec ch_Λ b_Λ an i cha'an che' cuxul tyo jini i yum. Jini jach che' mi sajtyel i yum jun, che' jini mu' tyo quejel i t'oxty_Λl ch_Λ b_Λ an i cha'an bajche' mi y_Λle' ti jun.

18 Jin cha'an ti bejqui i ch'ich'el al_Λq'uul cha'an mi xuc'ty_Λl jini ñ_Λaxan b_Λ trato b_Λ t'an tsa' b_Λ aq'uentiyonla ti Moisés.

19 Che' ñ_Λac ti ujti Moisés i y_Λq'ueñob ti pejtyelel quixtyañujob ti pejtyelel mandar tyac ti' ch'_Λm_Λ i ch'ich'el i yal wacax yic'ot i ch'ich'el chibu x_Λctyubil yic'ot ja'. Che' jini ti c'_Λñ_Λ ch_Λch_Λc b_Λ i tsutsel tiñ_Λme' yic'ot i yopol pimel hisopo b_Λ i c'aba' cha'an i tsijcan i junilel mandar tyac yic'ot quixtyañujob.

20 Che' jini Moisés ti' sube quixtyañujob: Cha'an ti jini i ch'ich'el al_Λq'uul tyac tsa' b_Λ c tsijc_Λ mi xuc'ty_Λl jini trato b_Λ t'an tsa' b_Λ i xiq'uiyetla Dios.

21 Che' je'el, Moisés ti' tsijc_Λ ti ch'ich' jini pisil b_Λ otyot yic'ot ti pejtyelel ch_Λ b_Λ yes tyac ti' c'_Λñ_Λyob cha'an i ch'ujutisan Dios.

22 An jach ts'itya' tyac mach'Λ ba'an mi sΛc isΛntyel ti ch'ich' che' bajche' mi yΛle' ti mandar sΛquix mi majlel. Mach'an i ñusΛntyel mulil mi mach'an mi bejqel i ch'ich'el i majtyan Dios.

Cha'an ti yΛc'Λ i bΛ ti tsΛnsΛntyel Cristo mi' loc'sΛbeñon lac mul

23 Jin cha'an ti' wersa tsijcΛyob i ch'ich'el alΛq'uil ti jini pisil bΛ otyot yic'ot jini tsa' bΛ i c'ΛñΛyob cha'an i ch'ujutisañob Dios wΛ' ti mulawil cha'an i sΛc isΛntyel che' bajche' mi yΛle' ti mandar tyac. Pero jini tsa' bΛ i c'ΛñΛyob wΛ' ti mulawil i yΛxñal jach yubil jini am bΛ ti panchan. Pero mach saj jasΛ i ch'ich'el alΛq'uil tyac cha'an i sΛc isΛbeñonla lac pusic'al cha'an mi lac lΛq'ue Dios.

24 Como che' ñac ti sajti Cristo mach'an ti ochi ti ch'ujul bΛ ajnibal ti jini pisil bΛ otyot tsa' bΛ mejli ti quixtyañujob cha'an i yΛq'uen i ch'ich'el alΛq'uil tyac. Jini tsa' bΛ mejli wΛ' ti mulawil i yΛxñal jach yubil jini yoque isujm bΛ Ch'ujul bΛ Ajnibal ya' ti panchan. Pero cha'an Cristo ti' beque i ch'ich'el ti ochi ti yoque panchan cha'an mi yajñel ya' ba'an Dios cha'an i pejcΛbeñonla Dios.

25 Cha'an che' bajche' ti' ch'ujbiyob ti ñoj oniyix jini ñoj ñuc bΛ cura ti ochi ti Ch'ujul bΛ Ajnibal jun-yajlel ti jujump'ej jab cha'an mi yΛq'ue' i ch'ich'el alΛq'uil cha'an i ñusΛntyel i mul quixtyañujob. Pero mach che'ic Cristo. Mach'an ti ochi ti Ch'ujul bΛ Ajnibal ya' ti panchan cha'an mi yΛc' i bΛ ti sajtyel cha'yaj uxyaj cha'an i xot'beñonla lac mul.

26 Como che'iqui, wersa ti cabΛl cha' ac'Λ i bΛ ti sajtyel Cristo c'ΛΛ ti tyejchibal mulawil c'ΛΛ wale iliyi. Pero mach che'iqui. Como ti jim bΛ ora tsa'

b_Λ i w_Λ yajc_Λ Dios cha'an mi sajtyel Cristo, ti ty_Λi w_Λ' ti mulawil cha'an junyajlel jach mi y_Λc' i b_Λ ti sajtyel cha'an mi' xot'beñonla lac mul.

²⁷ I ty_Λlel mi sajtyel quixtyañu. Pero junyajlel jach mi sajtyel. Ti wi'il tyo mi quejel i melob i b_Λ ti' tyojlel Dios.

²⁸ Ch_Λ'_Λch Cristo je'el, junyajlel jach ti y_Λc'_Λ i b_Λ ti sajtyel cha'an i xot'beñob i mul cab_Λlob. Pero tyal i yorojlel mi quejel i cha' ty_Λlel, mach cha'an i xot'e' mulil pero cha'an i cotyan jini ch_Λncol b_Λ i pijtyan i ty_Λlel Cristo.

10

¹ Como i mandar Moisés i y_Λxñal jach yubil jini wen b_Λ mu' b_Λ i y_Λq'ueñonla Cristo. Pero ma'an ñoj ts'_Λc_Λl mi' p_Λs'eñonla. Che' jini, mach ch'ujbi i s_Λc is_Λntyel i pusic'al jini tsa' b_Λ i ch'ujbiyob jini mandar tyac, tsa' b_Λ i lolon bequeyob i ch'ich'el al_Λq'uil tyac ti jujump'ej jab cha'an i ñ_us_Λbentyelob i mulob.

² Anic bajche' ch'ujbi i junyajlel s_Λc is_Λntyel i pusic'al quixtyañu che' mi y_Λq'ueñob ts_Λns_Λbil b_Λ i majtyan Dios, che' jini mach'an ch_Λ b_Λ och mi' bej aq'uen yamb_Λ como mach'anix i mul mi yubin.

³ Pero cha'an ti caj mi y_Λq'uen ts_Λns_Λbil tyac b_Λ i majtyan Dios ti jujump'ej jab, tsiquil_Λch an i cha' c'ajtis_Λntyelob cha'an añ_Λch i mul.

⁴ Como mach saj ch'ujbi i loc's_Λben i mul quixtyañujob i ch'ich'el tyat wacax mi i ch'ich'el chibu.

⁵ Jin cha'an che' ñac ti ts'_Λctiyi i yorojlel che' ñac ti ty_Λi Cristo w_Λ' ti malawil ti' sube Dios:

Mach a wom ts Δ ns Δ bil b Δ a majtyan tyac yic'ot ch Δ
 b Δ yan tyac b Δ a majtyan,
 pero tsa'ix a w Δ q'ueyon c ch' Δ me' c b Δ c'tyal cha'an
 c Δ c' c b Δ ti sajtyel cha'an ts Δ ns Δ bil b Δ a ma-
 jtyan.

⁶ Mach'an ti a mul Δ pulem b Δ a majtyan tyac
 mi jiñic ts Δ ns Δ bil b Δ a majtyan tyac tsa'
 b Δ i y Δ q'uetjyob cha'an i loc's Δ ntyel i mul
 quixtyañujob.

⁷ C Dios, w Δ ' añon. Mi quejc majlel ya' ti mulawil
 cha'an c cha'len bajche' yom a pusic'al
 che' bajche' ts'ijbubil cha'añon ti a mandar.
 Che' ti y Δ Δ Cristo.

⁸ Che' ñac ti ujti i y Δ le' bajche' ujtyel c subeñetla,
 Cristo ti' sube Dios: Mach a wom a w Δ q'uentyel
 mi ma'an ti a yoque mul Δ ts Δ ns Δ bil b Δ a majtyan
 tyac yic'ot pulem b Δ a majtyan tyac yic'ot a ma-
 jtyan tyac tsa' b Δ aq'uenti cha'an i ñus Δ ntyel i mul
 quixtyañu. Che' ti y Δ Δ Cristo aunque ti aq'uenti
 Dios ti pejtyelel ili majtyan tyac che' bajche' xiq'uil
 ti' mandar Moisés.

⁹ Che' ti ujti i y Δ le' bajche' jini, Cristo ti y Δ Δ :
 C Dios, w Δ 'añon cha'an c mele' bajche' yom a
 pusic'al, che'en. Ch' Δ ch ti ujti cha'an mi' p Δ s'en
 isujm che' jilemix i c' Δ jnibal tyac bajche' i ty Δ lel ti
 y Δ q'ueyob i majtyan Dios cha'an i ch'ich'el Cristo ti
 ochi ti' q'uejol yamb Δ ts Δ ns Δ bil b Δ i majtyan tyac.

¹⁰ Cha'an ti' cha'le Cristo bajche' yom i pusic'al
 Dios cha'an junyajlel ti y Δ c' Δ i b Δ cha'an ts Δ ns Δ bil
 b Δ i majtyan Dios cha'an ti pejtyelelob, che' jini
 ñus Δ bilix lac mul, s Δ c is Δ bilix lac pusic'al che' mi
 lac ch'ujbin.

11 Jini curajob w Δ ' ti mulawil ti jujump'ej q'uin mi' bej aq'uen ts Δ ns Δ bil b Δ i majtyan Dios. An más ti junyajlel mi y Δ q'uen junsujm jach b Δ i majtyan. Pero mach'an i c' Δ jnibal jini i majtyan tyac cha'an i loc's Δ ben i mul quixtyañujob.

12 Pero Jesucristo ti y Δ c' Δ i b Δ ti sajtyel cha'an junchajp jach ts Δ ns Δ bil b Δ i majtyan Dios cha'an i xot'beñonla lac mul cha'an ti bele' ora. Che' jini, ti buchle ti i ñoj Dios ya' ti panchan cha'an tsiquil mi q'uejlel ti ñuc ti Dios.

13 Ya' tyo ch Δ ncox i bej pijtyan jintyo Dios mi' jotben i p' Δ ty Δ lel i contra cha'an i yumiñob Jesús.

14 Como ti caj Cristo ti y Δ c' Δ i b Δ cha'an ajnic ti junchajp jach ts Δ ns Δ bil b Δ i majtyan Dios. Che' bajche' jini ti' coty Δ quixtyañujob cha'an ma'an ch Δ b Δ saj yom jini s Δ c is Δ bilobix b Δ i pusic'al tsa' b Δ i yajc Δ yob cha'an mi yajñel ti i cha'año' b Δ Dios.

15 Jini Ch'ujul b Δ i Ch'ujlel Dios mi y Δ le' je'el melel Δ ch como ti y Δ Δ :

16 Jiñ Δ ch jini trato b Δ t'an mu' tyo b Δ c Δ le' yic'ot quixtyañujob.

Che' ñumenix cab Δ l ora mi quejel c Δ q'ueñob i ch' Δ m'eñob i sujmllel c mandar tyac.

Mi quejel c ts'ijbubeñob ti' pusic'al yubil.

Che' ti y Δ Δ lac Yum.

17 Mi y Δ le' je'el:

Ma'an ba' b Δ ora mi quejel c cha' c'ajtis Δ beñob i mul yic'ot ch Δ b Δ yes mach' Δ wen tsa' b Δ i cha'leyob.

18 Che' jini, che' tsa'ix ñus Δ bentiyob i mul ma'an ch Δ b Δ och i cha' aq'uen i majtyan Dios cha'an i ñus Δ ntyel i mul.

Ch'ujbi lac lAQ'ue' Dios ti oración

19 Jin cha'an, hermañujob, cha'an ti' beque i ch'ich'el Cristo ti laj caj, wale ch'ujbi lac lAQ'ue' Dios ba'ical bΛ ora la com cha'an ti oración. Mach sajlic an lac bΛQ'uen lac lAQ'ue' Dios.

20 Cha'an ti caj Cristo ti sajti cha'añonla che' bajche' ti' jambentiyonla i bijlel panchan yubil. Che' jini ch'ujbi la cochel ya' ti panchan ba'an Dios. JiñΛch tsiji' bΛ lac bijlel yubil ba' mi la cAQ'uentyel laj cuxtyΛlel mach'Λ yujil jilel.

21 Joñonla i yalobilonla Dios, an ñoj ñuc bΛ laj cura. JiñΛch Jesús.

22 Jin cha'an yom mi lac lAQ'ue' Dios cha'an mi lac ch'ujutisan ti jump'ej lac pusic'al. Yom bej xuc'ul lac pusic'al ti jini chΛncol bΛ lac ch'ujbin. Cha'an Cristo ti beque i ch'ich'el cha'an i loc'sΛbeñonla lac mul ma'ix bej an lac mul mi la cubin. Cha'an tsa'ix lac ch'ΛmΛ ja' che' bajche' sΛquix lac bac'tyal cha'an ti sac bΛ ja' yubil.

23 Yom junyajlel xuc'ulonla mi lac pijtyan jini tsa' bΛ i wΛ alΛ Dios mi quejel i yΛq'ueñonla ya' ti panchan la quic'ot. Como xuc'ulΛch Dios. La cujil isujm mux i cha'len bajche' ti' wΛ alΛ.

24 Yom mi lac pensalin bajche' yom mi lac cha'len cha'an mi lac p'untyan lac bΛ yic'ot cha'an mi lac cha'len wen bΛ ti' tyojlel lac pi'Λlob.

25 Mach yom mi laj cΛy lac much'quin lac bΛ ti culto tyac che' bajche' mi' cΛyob i bΛ cha'tiquil uxtiquil. Pero yom mi lac xic' lac bΛ cha'an mi laj c'otyel. Más tyo yom mi lac xic' lac bΛ che' mi lac ña'tyan chΛncox i Λc'tyΛlel i yorojlel mi quejel i cha'tyΛlel lac Yum.

26 Pero mi ti lac wen ch'Λmbe isujm cha'an ti sajti Cristo cha'an i xot'beñonlac lac mul pero mi chΛncol tyo lac bej cha'len mulil cha'an la com jach, che' jini mach'an yambΛ bajche' ch'ujbi i ñusabeñon lac mul. Como ma'an yambΛ tsΛnsΛbil bΛ i majtyan Dios mu' bΛ i xot'beñon lac mul.

27 Mi chΛ'ach mi lac lolon ñusan laj cotyΛntyel ma'an yambΛ wen bΛ mu' bΛ lac pijtyan. Che' jach mi lac wen bΛc'ñan lac mel lac bΛ ba'an Dios yic'ot i bΛc'ñantyel jini c'ajc mu' bΛ ti lejmel mu' bΛ i jisan jini tsa' bΛ i contrajiyob Dios.

28 Che' an juntiquil tsa' bΛ i ñusabe i mandar Moisés, mi an cha'tiquil uxtiquil tsa' bΛ i yoque yilΛ mi' sube' i mul, mi wersa tsΛnsantyel jini xñusa mandar. Ma'ix mi saj p'untyΛntyel.

29 Mi chΛ'ach ti tsΛnsAntiyob jini tsa' bΛ i ñusabe i mandar Moisés yom i yΛq'uentyel i ñusan yoque más bΛq'uentic tyo bΛ xot'mulil jini mu' bΛ i p'aje' i Yalobil Dios, mu' bΛ i cha'len che' bajche' mach sajlic an i c'Λjnibal i ch'ich'el Cristo yic'ot mu' bΛ i wajlen Ch'ujul bΛ i Ch'ujlel Dios chΛncol bΛ i p'untyañob. Como jini i ch'ich'el Cristo mach'Λ ba'an i c'Λjnibal mi' lolon q'uelob, jiñach mismo bΛ i ch'ich'el tsa' bΛ i c'ΛñΛ Dios che' ñac ti' xuc'choco tsiji' bΛ trato bΛ t'an cha'an i ñusAntyel i mul cha'an i sac isAntyelob.

30 La cujil lac Yum ti yΛΛ: An tic wenta cha'an mic q'uexyΛbeñob i simaronlel. Mux cΛq'ueñob i xot'e' i mul. Ti yΛΛ je'el: Lac Yum mi quejel i mele' i cha'año' bΛ, che'en.

31 Yoque bΛq'uentic mi quejel i ñusan jini mu' bΛ quejel i yΛq'uentyel i xot'e' i mul ti jini cuxul bΛ Dios.

³² Pero c'ajtisan bajche' añetla wajali che' ñaxan ti queji la' ch'ujbin Cristo. Ma'an ch_Λ b_Λ ti la' w_Λl_Λ che' ñac ti la' wen ñus_Λ wocol cha'an ti caj ti la' ch'ujbi lac Yum.

³³ Lamitaletla ti' lolon wajlentiyyetla yic'ot ti ty_Λc'_Λntiyyetla ti' canty_Λlel i wut quixtyañujob. Yañet b_Λ la, ma'an ti la' b_Λc'ñ_Λ la' jop' la' cotyan jini tsa' b_Λ i ñus_Λyob wocol che' bajche' jini.

³⁴ Ti la' coty_Λ jini tsa' b_Λ ots_Λntiyyob ti c_Λchol. Ma'an ch_Λ b_Λ ti la' w_Λl_Λ pero bej tijicñ_Λyetyla aunque ti' chilbentiyyetla ch_Λ b_Λ an la' cha'an como ti la' ña'ty_Λ cha'an ya' ti panchan añ_Λch más wen b_Λ ch_Λ b_Λ an la' cha'an yubil, mach'_Λ ba'an mi quejel la' chilbentyel pero la' cha'añ_Λch ti bele' ora.

³⁵ Jin cha'an mach yom mi la' saj w_Λc'tyan la' bej xuc'chocon la' pusic'al ti lac Yum como mi mach'an mi la' c_Λye', tyal tyo i yorojlel an ch_Λ b_Λ mi quejel la' w_Λq'uentyeyel ñoj c'otyajax b_Λ ti lac Yum.

³⁶ Mach yom mi la' lujb'an la' bele' cha'len ti pejtyeylel bajche' yom Dios como mi ch_Λ'_Λch mi la' bele' cha'len che' jini mi quejel la' w_Λq'uentyeyel jini tsa' b_Λ i w_Λ al_Λ Dios mi quejel i y_Λq'ueñetla.

³⁷ Ti yamb_Λ t'an ti Ts'ijbubil b_Λ i T'an Dios mi y_Λle':

Mach'an jal

mi quejel i ty_Λlel jini mu' tyo b_Λ quejel i ty_Λlel. Ti saj ora jach mi quejel i ty_Λlel.

³⁸ Jiñob mu' b_Λ j q'uel ti tyoj mi y_Λq'uentyeyel i cuxty_Λlel mach'_Λ yujil jilel cha'an bajche' mi' ch'ujbiñon.

Pero ma'an mic saj q'uel ti wen jini mu' b_Λ i c_Λyon. Che' mi y_Λle' ti Ts'ijbubil b_Λ i T'an Dios.

³⁹ Pero joñonla mach yom ajniconla bajche' jini mu' b_Λ i c_Λye' i ch'ujbin Dios, mu' b_Λ quejel i y_Λq'uentyelob i xot'e' i mul. Pero joñonla mi lac bej ch'ujbin Dios cha'an mi lac tyaje' laj coty_Λntyel.

11

Ch'ujbiya

¹ Che' mi lac ch'ujbin Dios ti pejtyelel lac pusic'al mi lac ña'tyan cha'an mi quejel i yujtyel ti pejtyelel tsa' b_Λ i y_ΛΛ Dios. Mi lac pijtyan cha'an mi yujtyel aunque ma'an tsiquil mi ty_Λlel.

² Cha'an ti' ch'ujbiyob Dios, lac yumob ti ñoj oniyix ti q'uejliyob ti wen ti Dios.

³ Cha'an ti lac ch'ujbi Dios, mi lac ña'tyan cha'an ma'an ch_Λ b_Λ ti' c'añ_Λ Dios i mele' mulawil. Ti' t'an jach ti mejli. Ma'an ti saj c'añ_Λ ch_Λ b_Λ jach tsiquil b_Λ cha'an i mele' ti pejtyelel ch_Λ b_Λ jach mejlem.

⁴ Cha'an ti' ch'ujbi Dios, Abel ti y_Λq'ue Dios i majtyan tsa' b_Λ i más mul_Λ Dios che' bajche' ti' mul_Λ i majtyan tsa' b_Λ aq'uenti ti Caín. Jin cha'an Dios ti' q'uele ti tyoj jini Abel, Dios ti' ch'Λmbe i majtyan. Wale iliyi aunque sajtyemix jini Abel ch_Λncox i c_Λntisañonla yubil cha'an ti caj bajche' ti' ch'ujbi Dios.

⁵ Cha'an ti' ch'ujbi Dios, ma'an ti sajti Enoc. Ti p_Λjyi letsel ti panchan che' cuxul tyo. Ma'an cha' tsiquil w_Λ' ti mulawil como ti p_Λjyi letsel ti panchan ti Dios. Mi y_Λle' ti yamb_Λ jun ti Ts'ijbubil b_Λ i T'an Dios cha'an che' ñac max tyo ti p_Λjyi letsel Enoc ya' ti panchan i ty_Λlel ti ajni ti ch_Λ b_Λ ti' mul_Λ Dios.

⁶ Pero mach ch'ujbi la cajñel bajche' mi' mulan Dios che' ma'ix mi lac ch'ujbin che' mi quejel i

cha'len Dios bajche' ti y_ΛΛ. Como jini mu' b_Λ i l_Λq'ue' Dios ti oración wersa yom i ch'ujbin mi an Dios. Mi' ch'ujbin je'el cha'an Dios mi y_Λq'uen i tyojol i wenty_Λlel jini mu' b_Λ i sajcan Dios.

⁷ Noé ti' ch'ujbi Dios. Che' ñac Dios ti' w_Λ sube ch_Λ b_Λ yes mi quejel i yujtyel che' max tyo ba'an tsiquil mi quejel yujtyel, Noé ti' ch'ujbibe i t'an. Ti' mele colem b_Λ barco cha'an mi yochel ti barco i yijñam i yalobilob aunque max tyo saj tsiquil mi quejel i ty_Λlel but' ja'. Ma'an ch_Λ b_Λ ti tyumben-tiyob. Cha'an ch_Λ'_Λch ti' ch'ujbi Dios, Noé ti' tsictis_Λ cha'an mach'an ti' ch'ujbi Dios yaño' b_Λ. Ti lu' sajtiyob ti but' ja'. Pero cha'an Noé ti' ch'ujbi Dios ti q'uejli ti wen ti Dios.

⁸ Abraham ti' ch'ujbi Dios. Jin cha'an che' ñac Dios ti' xiq'ui i c_Λye' i lumal cha'an mi majlel ti yamb_Λ lum mu' tyo b_Λ quejel i y_Λq'uentyel ti Dios, ti' wa' ch'ujbibe i t'an Dios. Ti loq'ui majlel aunque ma'an ti' ña'ty_Λ ba' mi quejel i majlel.

⁹ Cha'an ti' ch'ujbi Dios jini Abraham ti' chumle ya' ti jini lum tsa' b_Λ i w_Λ al_Λ Dios mi quejel i y_Λq'uentyel. Che' bajche' mi i lumal yamb_Λ quixtyañu ti' cha'le Abraham. Ti chumle ti pisil jach b_Λ otyot che' bajche' ñumel jach muc' b_Λ quixtyañu. Ch_Λ'_Λch ti' cha'le Isaac yic'ot Jacob je'el aunque Dios ti w_Λ aq'ueyob i t'an cha'an lajal che' bajche' Abraham i cha'año_bch jini lum.

¹⁰ Ch_Λ'_Λch ti' ñu_sΛ q'uin Abraham cha'an ch_Λncol i bej pijtyan cha'an Dios mi' p_{AS}'en jini tsiji' b_Λ mali lum mach'_Λ ba'an mi jilel tsa' b_Λ i mele Dios bajche' ti' pensali ti' bajñel i pusic'al i mele'.

¹¹ Jini Sara, i yijñam Abraham, ti' ch'ujbi Dios je'el. Jin cha'an, aunque wen ñejep'ix jini Sara, Dios

ti' coty Δ cha'an ti mejli i cañ Δ tyan i yalobil. Ti' ch'oc Δ alo' b Δ i yalobil. Ch Δ ' Δ ch ti ujt Δ yic'ot jini Sara como ti' ch'ujbi cha'an Dios mi mejlel i ts' Δ ctisan bajche' ti' w Δ al Δ mi quejel i yujtyel yic'ot.

¹² Jin cha'an, che' más ñoxix che' bajche' i ty Δ lel ch'ujbi i ty Δ lel i yalobil quixtyañu, ti' ch'oc Δ i yalobil Abraham. Che' jini, loq'uem ti i yalobil ti ty Δ li i yonlel i jiñ Δ jlel Abraham. Lajal che' bajche' mach ch'ujbi lac tsique' jayp'ej ec' am b Δ ti chan ch Δ ' Δ ch je'el mach ch'ujbi lac tsique' ji' ti ti' colem ja' che' bajche' jini mach ch'ujbi lac tsique' jaytiquil i jiñ Δ jlel loq'uem b Δ ti jini Abraham.

¹³ Ti pejtylel jiñob tsa' b Δ lac tyaja ti t'an xuc'ul ch Δ ncol i ch'ujbin Dios che' ñac ti sajtiyob. Che' ñac ti sajtiyob max tyo ba'an ti aq'uenti jini tsa' b Δ i w Δ subentiyob mi quejel i y Δ q'uentyelob. Pero che' bajche' ti ñajty Δ il Δ yob yubil como ti' ch'ujbi cha'an mu' tyo quejel i tyajob. Tijicñayob che' jini. Ti lu' al Δ yob cha'an ñumel jach muc'ob w Δ ' ti mulawil. Mach yoque i lumalic mulawil ti y Δ l Δ yob.

¹⁴ Tsiquil Δ ch jini mu' b Δ i cha'len t'an che' bajche' jini, ch Δ ncol i pijtyañob cha'an c'oticob ya' ti panchan.

¹⁵ Tsa'ic i pensaliyob i lumal tsa' b Δ i ca Δ y Δ yob, tsa'ix mejliyob i cha' sujtyel.

¹⁶ Pero ma'an ti' mul Δ yob i sujtyel. Ch Δ ncol i sajcañob más wen b Δ i lumal, jiñ Δ ch ya' ti panchan. Jin cha'an Dios mach'an mi quisnin che' mi pejc Δ ntyel ti i Diosob. Tsa'ix i chajp Δ beyob jump'ej mali lum ya' ti panchan.

¹⁷ Dios ti' q'uelbe i pusic'al Abraham mi mux i yajñel ti xuc'ul aunque mi y Δ q'uen i ñusan wocol. Pero Abraham ti' wen ch'ujbi Dios. Ti subenti i

tsansan i yalobil Isaac b_Λ i c'aba' cha'an tsansabil b_Λ i majtyan Dios bajche' i tyalel ti y_Λq'ueyob tsansabil b_Λ al_Λq'uil tyac cha'an i majtyan Dios ti ñoj oniyix. Chajpabilix i tsansan Isaac, jiñach cojach b_Λ i yalobil, aunque Dios ti' w_Λ sube jini Abraham:

¹⁸ Loq'uem ti Isaac mi quejel i tyalel i yonlel a jiñajlel. Che' ti subenti Abraham ti Dios.

¹⁹ Jini Abraham ti' ch'ujbi ti pejtyelex i pusic'al cha'an Dios ch'ujbi i cha' tyejchisan loq'uel ba'an sajtyemo' b_Λ jini Isaac mi ti tsansanti. Como cha'an yoque chajpabilix i tsansan i yalobil che' bajche' sajtyemix yubil. Jin cha'an che' bajche' loq'uem ba'an sajtyemo' b_Λ ti yubi como cuxulach ti' cha' p_Λy_Λ sujtyel ti yotyot.

²⁰ Cha'an ti' ch'ujbi Dios, Isaac ti y_Λq'ue i yutslel i t'an i yalobilob cha'an ch_Λ b_Λ tyac yes mi quejel i yujtyel. Jini i yalobilob jiñach jini Jacob yic'ot Esaú.

²¹ Cha'an ti' ch'ujbi Dios, Jacob che' ñac yomox sajtyel ti y_Λq'ueyob i yutslel i t'an ti' cha'ticlel i yalobilob José. Ti' ch'ujutis_Λ Dios che' ch_Λncox i ñ_Λ' tye'in i ñ_Λ' tye'.

²² Jini José ti' ch'ujbi Dios je'el. Ti' ch'ujbi cha'an mi c'otyel i yorojlel che' mi quejel i loq'uelob israelob ti Egipto che' bajche' ti w_Λ al_Λ Dios. Jin cha'an che' ñac l_Λc'ali_Λ i yorojlel i sajtyel ti' w_Λ subeyob bajche' yom i cuch majlel i b_Λquel tyac cha'an mi loq'uel majlel José je'el i wentyalel.

²³ Che' ñac ti ch'oc_Λ Moisés i tyat i ña' wen c'otyajax ti' q'uelelob. Cha'an ti' ch'ujbiyob cha'an Dios ch'ujbi i c_Λñ_Λtyan Moisés ma'an ti' b_Λc'ñ_Λyob i ñus_Λben i xic'ojel jini rey tsa' b_Λ i xiq'ui ti

tsANSAntyel ti pejtyelel saj alobob. Ti' poj mucuyob Moisés tres meses cha'an ma'an mi tyajtyΛ.

24 I yixicp'eñal jini rey Faraón bΛ i c'aba' ti' cosΛ Moisés che' bajche' i yalobilΛch. Cha'an ti' ch'ujbi Dios, che' ñac colem winiquix jini Moisés ma'an ti yΛc'Λ i bΛ ti pejcAntyel ti i yalobil jini yixicp'eñal Faraón.

25 Pero ti yajcΛ i ñusan i tyΛc'lentyel yic'ot i cha'año' bΛ Dios. Ma'an ti yajcΛ i cha'len mach'Λ wen mu' bΛ i poj aq'uen i tijicñayel i pusic'al ti jumuc' jach.

26 Jini Moisés ti' ña'tyΛ ti' pusic'al cha'an más i c'Λjnibal i ñusan i tyΛc'lentyel cha'an ti caj Cristo mu' tyo bΛ i tyΛlel che' bajche' mi ti pejcAnti ti i yalobil i yixicp'eñal jini yumΛ Faraón cha'an i tyaje' ti pejtyelel i ricojlel ba'an Egiptojob. Ch'Λch ti yajcΛ i cha'len Moisés como mi' bej pensalin bajche' mi yΛq'uentyel i tyojol ti Dios.

27 Cha'an ti' ch'ujbi Dios, Moisés ti loq'ui majlel ti Egipto. Ma'an ti' bΛc'ñΛ i mich'lel jini ñuc bΛ yumΛ. Ti ajni ti xuc'ul jini Moisés ti jini tsa' bΛ i cha'le che' bajche' chΛncox i q'uele' Dios mach'Λ ch'ujbi laj q'uel.

28 Cha'an ti' ch'ujbi Dios, Moisés ti' xiq'ui jini israelob i tsANSañob juncojt saj tiñame' ti jujump'ej otyot cha'an i tsijcan i ch'ich'el ti i ti' i yotyot. Che' jini Dios ti' xiq'ui tyΛlel juntiquil ajtroñel i cha'an ch'oyol bΛ ti panchan cha'an i yochel ti yotyotyel tyac i tsANSan yΛx alΛ bΛ alob ti jujump'ej otyot. Pero ma'an ti ochi mi ti jump'ejlic otyot ba' ti' ch'ujbibe i t'an Moisés i tsijcan i ch'ich'el saj tiñame' ti i ti' otyot.

29 Cha'an ti' ch'ujbiyob Dios, jini israelob ti c'axiyob ti colem ja' che' bajche' ti ty Δ quin b Δ lum cha'an Dios ti' t'oxbeyob jini ja'. Pero che' ñac jini soldadojob i cha'an b Δ Egipto ti' lolon jop'o i c'axelob ti lu' sajtiyob ti ja' Ch Δ ch Δ c Ja' b Δ i c'aba.

30 Cha'an ti' ch'ujbiyob Dios israelob, ti yajli ts'ajc am b Δ ti joyty Δ lel lum Jericó b Δ i c'aba' che' ñac ti joy ñumiyob siete días, che' bajche' ti xiq'ui ti Dios.

31 Ya'an juntiquil x'ixic ya' ti Jericó Rahab b Δ i c'aba'. Jini Rahab ti wajali jiñ Δ ch juntiquil x'ixic i tsuculel b Δ mi' cha'len mu' b Δ i chon i b Δ . Cha'an ti' ch'ujbi Dios, ma'an ti ts Δ ns Δ anti yic'ot jini tsa' b Δ i ñus Δ be i t'an Dios ya' ti Jericó. Como Rahab ti' coty Δ israelob che' ñac ti c'otiyob i mucul q'uelob jini lum. Ti' poj mucuyob ti yotyot.

32 Ma'ix ch Δ b Δ 'och mic bej subeñetla yamb Δ . Mach jas Δ i yorojlel cha'an mic subeñet bajche' ti' ch'ujbiyob Dios jini Gedeón, Barac, Sansón, Jefté, David, Samuel mi jinic tsa' b Δ i xiq'ui i y Δ le' Dios.

33 Cha'an ti' ch'ujbiyob Dios, ti' ganariyob che' an guerra ti' contra yum Δ lob. Weñ Δ ch ti' cha'leyob i ye'tyel ti yum Δ . Ti aq'uentiyob jini tsa' b Δ i w Δ al Δ Dios mi quejel i y Δ q'uentyel. Dios ti' coty Δ cha'an ti' m Δ cbe i ti' xch Δ c bajl Δ m tyac cha'an mach i c'uxe' jini quixtyañu tsa' b Δ chojqui ochel ya' ba'an xch Δ c bajl Δ m.

34 Cha'an ti' ch'ujbiyob Dios ma'an ch Δ b Δ ti tyumbentiyob ti c'ajc che' ñac ti chojqui ochel cha'an ts Δ ns Δ antic. Yic'ot ma'an ti ts Δ ns Δ antiyob ti espada. Aunque c'un i b Δ c'tyal cha'an ti caj i wocol ti aq'uentiyob i p' Δ ty Δ lel i b Δ c'tyal. Ch'ejlob ti

guerra. Ti yajnis_Λyob i contra ty_Λlemo' b_Λ ti yamb_Λ pañimil tyac.

35 An x'ixicob cha'an ti' ch'ujbiyob Dios, Dios ti' cha' tyejchis_Λ loq'uel i pi'_Λlob ya' ba'an sajtyemo' b_Λ. An yamb_Λ quixtyañujob aunque ti aq'uentiyob i c_Λlax ñusan wocol, ti ty_Λc'_Λlanti c'_Λl_Λ ti sajti, ma'an ti lolon al_Λyob ma'an mi' ch'ujbiñob Dios cha'an mi cojlel ti wocol. Como ti' ch'ujbiyob cha'an mi ti sajtiyob, Dios mi quejel i cha' tyech loq'uel ya' ba'an sajtyemo' b_Λ cha'an más wen mi quejel i yajñelob ya' ti panchan ba'an Dios.

36 An tsa' b_Λ i ñus_Λyob wocol cha'an ti wajlentiyob, an tsa' b_Λ i jats'_Λyob ti p_Λchij am b_Λ yic'ot tsucul tyaq'uin cha'an ñoj c'ux. Jinic tyo an tsa' b_Λ i c_Λjch_Λyob tyac ti cadena yic'ot ti ots_Λntiyob ti c_Λchol.

37 An tsa' b_Λ i ts_Λns_Λyob ti tyun. An tsa' b_Λ i tyuc' tsepeyob ti xinil. An tsa' b_Λ ts_Λns_Λntiyob ti machit. Che' ti pet ñumiyob majlel i p_Λch_Λlel jach tiñ_Λme' o i p_Λch_Λlel chibu l_Λp_Λlob i cha'an. P'ump'uñob. Ti' wen ñus_Λyob wocol. Ti wen ty_Λc'_Λlantiyob.

38 Ti pet ñumiyob ti ty_Λquin b_Λ joch lum yic'ot ti wits. Ti chumleyob ti lech' tyun tyac yic'ot ti jo'ñal lum. Mach saj wen jini yamb_Λ quixtyañujob cha'an i motin ajñelob yic'ot jini tsa' b_Λ i ch'ujbiyob Dios.

39 Pero ti jujuntiquil jini quixtyañujob, aunque ti q'uejli ti wen ti Dios cha'an bajche' ti' ch'ujbiyob Dios, ma'an ti wa' aq'uentiyob jini tsa' b_Λ i w_Λ al_Λ Dios mu' tyo b_Λ quejel i y_Λq'uentyelob.

40 Dios ti' chajp_Λbeyonla jini más wen b_Λ. Mach yom i w_Λ aq'ueñob i tyaje' lac yumob ti ñoj oniyix che' max tyo lac tyaja joñonla. Jin cha'an ti

yΛq'ueyob i pijtyan jintyo ti tyΛli Cristo cha'an lac motin tyaje' jini chΛncol bΛ lac pijtyan.

12

La' lac bej pensalin Jesús

¹ Ujtyel c subeñetla cha'an an cabal lac yumob ti ñoj oniyix tsa' bΛ i wen ch'ujbiyob Dios. Ma'an ti' saj cΛyΛyob Dios cha'an ti caj i wocol. Che' bajche' año' bΛ ti lac joytyΛlel yubil tsa' bΛ i pΛs'onla bajche' ti' ch'ujbiyob Dios. Jin cha'an yom mi lac wa' cΛye' chΛ bΛ yes yom i mΛctyΛbeñonla lac cha'len wen bΛ, yic'ot yom mi lac cΛye' lac mul mu' bΛ i mΛctyΛbeñonla lac mele' bajche' yom Dios. La' lac wen cha'len wersa cha'an machic saj lujb'aconla lac ch'ujbin Dios ti jump'ej lac pusic'al.

² La' lac bej pensalin Jesús che' bajche' chΛncox laj q'uele' yubil como jiñΛch jini tsa' bΛ tyejchi ti lac pusic'al jini mu' bΛ lac ch'ujbin. Mi bej aq'ueñonla lac ch'ujbin ti ts'ΛcΛl. Ma'an chΛ bΛ ti saj alΛ che' ñac ti' ñusΛ wocol ya' ti cruz aunque yoque quisintic ti yubi. Como ti' bej pensali i tijicñΛyel mu' bΛ i yubiñob che' mi' ch'ujbin Dios cabal quixtyañujob. Wale ya' buchul ti' ñoj Dios am bΛ ti c'otyajax bΛ i buchlib.

³ Ña'tyanla bajche' ti' ñusΛ i mich'q'uelol Jesús ti caj xmulilob. Che' mi la' pensalin bajche' ti' ñusΛ Jesús mi mejlel i ñuc isΛbeñetla la' pusic'al cha'an ma'ix mi la' lujb'an la' cha'len wen bΛ, cha'an ma'ix mi la' cΛy la' bΛ.

⁴ Como jatyetla max tyo ti la' beque la' ch'ich'el cha'an bajche' ti la' cuchu i mich'q'ueletla simaroño' bΛ quixtyañujob.

⁵ ¿Tsa'ix ba ñajayi ti la' pusic'al bajche' mi' ñuc isΔbeñetla la' pusic'al Dios cha'an i yalobiletla? ChΛ^ach mi yΔle' bajche' jini ti Ts'ijbubil bΛ i T'an Dios:

Calobil, ch'ΔmΔ ti a wenta a tyoj isΔntyel ti lac Yum. Mach a ñoj pensalin che' mi' tiq'uet lac Yum.

⁶ Como lac Yum mi' tyoj isan majchical jach mi' p'untyan.

Mi yΔq'uen i ñusan wocol ti pejtyelex mu' bΛ i pΔye' cha'an i yalobilob.

ChΛ^ach ts'ijbubil.

⁷ Ñusan ti wen che' mi yΔq'ueñetla la' ñusan wocol Dios cha'an la' tyoj isΔntyel. Como Dios mi' tyoj isañonla che' bajche' juntiquil tyatyΔ mi' tyoj isan i yalobil. Como ma'an alΔ mach'Δ ba'an mi' tyoj isΔntyel ti i tyat.

⁸ Pero mi ma'ix mi' tyoj isañet bajche' i tyΔlex mi' tyoj isañonla ti lac pejtyelex, tsiquil che' jini, mach yoque yalobiletla. Yañach bΛ la' tyat.

⁹ Che' je'el, lac tyat wΔ' ti mulawil, che' ñac ti' tyoj isΔyonla ti laj q'uele ti ñuc. Más tyo yom mi la cΔc' lac bΛ cha'an i tyoj isañonla lac Tyat am bΛ ti panchan cha'an más wen mi la cajñel wΔ' ti mulawil.

¹⁰ Como che' ñac añon tyo la ti' tyojel lac tyat wΔ' ti mulawil jini ti' tyoj isΔyonla bajche' wen ti yubi ti' pusic'al. Pero Dios mi' tyoj isañonla bajche' yom cha'an lac wenlex cha'an mi lac wen'an che' bajche' ch'ujul Dios.

¹¹ Melelex, mach poj tijicña mi yubin jini chΔncol bΛ i yubin i tyoj isΔntyel. Poj ch'Δjyem mi yubin. Pero che' tyoj isΔbilix, ñach'Δlix i pusic'al. Más tyoj mi yajñel.

BΛq'uentic mi lac ñusan lac pΛyol ti Dios

¹² Jatyet ch'Λjyemet bΛ la, muq'uet bΛ la ti cabΛl pensal, xuc'chocon la' pusic'al ti Dios cha'an la' cuche' ti wen jini wocol chΛncol bΛ a ñusan.

¹³ Bele' cha'lenla wen bΛ. Mach a lolon pΛs'en jini max tyo bΛ yoque xuc'ul bΛ hermañujob i cha'len mach'Λ tyoj bΛ i cha'libal ame i cΛye' Dios. Pero xuc'chocon la' pusic'al ti Dios.

¹⁴ Bej cha'lenla wersa cha'an mi la' wajñel ti ñΛch'Λl la' wic'ot ti pejtyelex yaño bΛ. Ajñenla ti i sΛc isΛntyel la' pusic'al como mach'an mi quejel i q'uel lac Yum jini mach'Λ ba'an sΛc i pusic'al.

¹⁵ Wen q'uele la' bΛ cha'an ma'an majch mi' lolon ñusan jini wen bΛ yom bΛ i yΛq'ueñonla Dios. Q'uele la' bΛ ame mi tyejchel la' mich'lel ti la' pusic'al mu' bΛ i yΛq'ueñob i venenojlel yubil jini yaño' bΛ.

¹⁶ Q'uele la' bΛ cha'an ma'an majch mi' cha'len i tsuculel o mi ma'an mi' q'uel ti ñuc Dios, che' bajche' ti' cha'le Esaú. I tyΛlel an chΛ bΛ yes mi yΛq'uentyel ti i tyat cha'an ti caj ascuñΛl jini Esaú. Pero ti' chombe i yijts'in i wentyΛlel ti pejtyelex jini mu' bΛ quejel i yΛq'uentyel cha'an ti junsujtyel jach bΛ i bΛl i ñΛc'.

¹⁷ La' wujil isujm che' wi'il tyo yom i ch'Λme' i yutsllel i t'an i tyat i tyΛlel mi yΛq'uentyel ascuñΛl bΛ ti i tyat. Pero aunque ti' cha'le uq'uel Esaú cha'an yom i wersa ch'Λme' ma'an ti' jac'Λ i tyat. Ma'ix ti mejli i ch'Λme' como ma'an bajche' ch'ujbi i cha' q'uexyan i t'an i tyat.

¹⁸ Como jini tsa' bΛ la' ch'ujbi mach jinic mu' bΛ lac tyΛle' mu' bΛ laj q'uele'. Mach lajal che' bajche' yorojlel ti aq'uentiyob ti Dios jini mandar tyac lac yumob ti ñoj oniyix. Como ti c'otiyob ya' ti wits mu'

ti wen lejmel ti c'ajc yic'ot b_Λb_Λq'uen ic'jowan b_Λ pañimil yic'ot yoque toñel b_Λ ic'.

¹⁹ Como jatyetla ma'an ti la' wubi i t'an trompeta yic'ot ma'an ti la' wubi che' ñac Dios ti' pejc_Λyob. Jini tsa' b_Λ yubiyob, mach kujch jini t'an tyac ti yubiyob. Ti' c'ajtiyob ti wocol t'an cha'an ma'an mi bej pejc_Λntyelob.

²⁰ Ti' wen cha'leyob b_Λq'uen che' ñac ti yubi bajche' ti xiq'uiyob ti Dios. Mach kujch ti yubiyob como Dios ti' xiq'uiyob cha'an mi jinic animal ch'ujbi i c'otyel ti jini wits. Mi ti c'oti mi quejel i wersa tsans_Λntyel ti tyun o mi ti machit.

²¹ Cha'an ti caj yoque b_Λb_Λq'uen ti yil_Λyob jini wits yic'ot ti pejtyelel tsa' b_Λ i yil_Λ lac yumob ti ñoj oniyix, jinic tyo Moisés je'el ti y_ΛΛ_Λ: Wen muc'on ti b_Λq'uen. Tsitsilñayon ti b_Λq'uen. Che' ti y_ΛΛ_Λ Moisés.

²² Jatyetla, ma'an ba' b_Λ ora ti' xiq'uiyetla Dios la' l_Λq'ue' jump'ej wits mu' b_Λ ti wen lejmel bajche' ti' xiq'ui i cha'len lac yumob ti ñoj oniyix. Pero cha'an ch_Λncol la' wen ch'ujbiben Jesucristo, ch_Λncox la' l_Λc' yubil jini wits Sión b_Λ i c'aba' ba' mi yajñel jini cuxul b_Λ Dios, ya' ti mali lum ya' ti panchan Jerusalén b_Λ i c'aba'. Ya'an je'el ñoj yonlel cha'an mach ch'ujbi tsicol jini ajtroñelob i cha'an Dios ch'oyol b_Λ ti panchan.

²³ Ya' ch_Λncox la cochel ya' ti panchan je'el la quic'ot ti pejtyelel i yalobilob Dios ts'ijbubilo' b_Λ i c'aba' ya' ti panchan. Mi quejel lac motin l_Λq'ue' Dios jiñ_Λch jini ñoj ñuc b_Λ ba' mi quejel lac mele' lac b_Λ yic'ot ti pejtyelel tsa' b_Λ q'uejliyob ti wen ti Dios. Ya' lu' much'quibilob ti' tijicñ_Λyel i pusic'al cha'an mi' subob i ñucl_Λl Dios.

24 Yic'ot ya' mi lac l_Λq'ue' Jesús jini la cajcotyaya tsa' b_Λ i melbeyonla tsiji' b_Λ trato b_Λ t'an yic'ot Dios. Yic'ot ya' mi lac l_Λq'ue' yubil jini i ch'ich'el Jesús tsa' b_Λ i beque cha'añonla. Ti' beque i ch'ich'el Jesús cha'an i ñ_{us}Δbeñonla lac mul. Ti' bejqui i ch'ich'el Abel ti ñoj oniyix pero jini tsa' b_Λ i beque ti aq'uenti i xot'e' i mul.

25 Q'uele la' b_Λ cha'an mi la' wen ñ_Λch'tyan i t'an Dios che' mi' pejcañonla. Como mi ma'ix ti mejli i puts'tyan xot'mulil jini tsa' b_Λ i ñ_{us}Δbe i t'an che' ñac ti subentiyob ti i pi'Λl b_Λ quixtyañu w_Λ' ti mulawil, ¿bajche' ch'ujbi lac puts'tyan xot'mulil joñonla ma' w_Λl mi ti lac ñ_{us}Δbe i t'an che' ti subentiyonla ti jini am b_Λ ti panchan?

26 Che' ñac ti' pejc_Λ Dios lac yumob ti ñoj oniyix cha'an i y_Λq'ueñob mandar tyac, ti nijc_Λyi mulawil ti i t'an. Pero wale Dios ti y_Λc'Λ i t'an. Ti y_ΛΛ: Yamb_Λ junyajlel mi quejel c nijcan mulawil. Pero mach jinic jach mulawil conto yic'ot ti chan je'el ya' ba'an uw yic'ot ec' yic'ot q'uin.

27 Che' ñac ti y_ΛΛ: Yamb_Λ junyajlel, che'en, yom i y_Λq'ueñonla lac ña'tyan cha'an Dios mi quejel i cha' nijcan ti pejtyelel i melbal jini yujil b_Λ nijc_Λyel. Jini jach mi quejel i jalejel jini mach b_Λ yujil nijc_Λyel.

28 Jini c'otyajax b_Λ lac lumal ch_Λncol b_Λ i y_Λq'ueñonla Dios ya' ti panchan yic'ot, mach saj yujil nijc_Λyel. Jin cha'an la' lac suben Dios wocox i y_ΛΛ. La' laj q'uel ti ñuc. La' lac ch'ujutisan bajche' mi' mulan i pusic'al Dios.

29 Como lac Dios che' bajche' colem c'ajc yubil como mi quejel i y_Λq'ueñob i xot'e' i mul majchical jach mach b_Λ wen mi' cha'len.

13

Bajche' yom mi yajñel hermañujob

¹ Ma' mi la' wΛc'tyan la' p'untyan la' bΛ che' bajche' hermañujob ti Cristo.

² Mach yom ñajayic ti lac pusic'al cha'an yom mi lac pΛy ochel ti la cotyot ñumel jach bΛ muc'ob ochemo' bΛ ti' t'an Dios ch'oyolo' bΛ ti ñajt ame i yajtroñelic Dios ch'oyolo' bΛ ti panchan. Como an tsa' bΛ yotsΛyob ti yotyot ti ñoj oniyix ajtroñelob i cha'an Dios ch'oyol bΛ ti panchan aunque ma'an ti' ña'tyΛyob.

³ C'ajtisan jini año' bΛ ti cΛchol che' bajche' mi ya'ic cΛchΛlet yic'otyob yubil. C'ajtisan jini chΛncol bΛ i wen ñusan wocol ame tyal i yorojlel la' wΛq'uentyel la' ñusan lajal bΛ wocol je'el.

⁴ La' i lu' ña'tyañob ti pejtyelexel quixtyañujob cha'an weñach che' an i yijñam winic. Yom i yajñelob ti xuc'ul jujuntiquil winic yic'ot i bajñel yijñam bΛ. Como Dios mi quejel i yΛq'ueñob i xot'e' i mul majchical jach mi' cha'len i tsuculel yic'ot majchical jach mi' pejcΛben i yijñam i pi'Λ.

⁵ Mach yom tyaq'uin jach mi la' bej pensalin. Yom ajniquetla ti tijicña che' yic'ot chΛ bΛ jach an la' cha'an. Como Dios ti yΛΛ: Ma'ix mi quejel c loq'uel ya' ba'añet. Ma'ix mi quejel j cΛyeyet. Che' ti yΛΛ Dios.

⁶ Cha'an mi lac ch'ujbin cha'an mi quejel i cha'len Dios bajche' mi yΛle' ch'ujbiyΛch la cΛle': Lac Yum jiñach mu' bΛ i cotyañon. Ma'ix mi quejel c bΛc'ñan chΛ bΛ yes yom i tyum-beñon ba'ic jach bΛ quixtyañu. ChΛ'ach yom mi la cΛl ti lac pusic'al.

⁷ C'ajtisan jini am b_Λ i ye'tyel ti' t'an Dios, jiñob tsa' b_Λ i subeyetla i t'an Dios. Yom mi la' pensalin bajche' ti ajniyob ti wen w_Λ' ti mulawil. C'Λ_Λ ti sajtiyob ma'an ti y_Λcty_Λyob i ch'ujbin lac Yum. Ch'ujbinla Dios je'el lajal bajche' ti' ch'ujbiyob.

⁸ Ma'an ba' b_Λ ora mi quejel i saj q'uextiyel Jesucristo. Junlajal_Λch bajche' ac'bi, wale iliyi yic'ot ti bele' ora.

⁹ Jin cha'an mach yom mi la' w_Λc' la' b_Λ ti sojquel ti caj ch_Λ b_Λ jach yes yan tyac b_Λ ti chajb ti chajb b_Λ t'an. Pero jini más yom b_Λ yi, jiñ_Λch cha'an mi xuc'chocontyel lac pusic'al ti i p'untyaya Dios. Mach ti ch'ujbintyel la' xic'ojel tyac cha'an ch_Λ b_Λ jach yes mi la' c'uxe'. Como ma'ix i coty_Λntyel quixtyañu cha'an ti caj mi' ch'ujbiñob ili xic'ojel tyac.

¹⁰ Jini curajob ti ñoj oniyix ti' ts_Λns_Λyob al_Λq'uil cha'an ts_Λns_Λabil b_Λ i majtyan Dios. Ti aq'uentiyob i c'uxe' i b_Λc'tyal al_Λq'uil jini curajob pero i seño jach cha'an ch_Λ'_Λch mi' l_Λq'ue' Dios. Pero mach che'ic añonla wale iliyi. Dios ti y_Λq'ueyonla yamb_Λ bajche' ch'ujbi lac l_Λq'ue' Dios. Jiñ_Λch cha'an ti lac Yum Jesucristo. Pero cha'an max tyo ti sajti Cristo jini curajob ti ñoj oniyix max tyo ti mejli i l_Λq'ue' Dios cha'an ti Cristo.

¹¹ Como che' bajche' i ty_Λlel ti' cha'leyob ti ñoj oniyix jini ñoj ñuc b_Λ cura i cha'an b_Λ israelob ti' ch'_Λm_Λ ochel i ch'ich'el al_Λq'uil ya' ti mal Ñoj Ch'ujul b_Λ Ajnibal cha'an i majtyan Dios cha'an i ñus_Λntyel mulil. Pero ma'an ti aq'uentiyob i c'uxob i b_Λc'tyal jini al_Λq'uil como ti' lu' puluyob i b_Λc'tyal ya' ti junxejlel i ti' lum Jerusalén b_Λ i c'aba'.

Ch_Λ'ach ti' puluyob como che' bajche' ti' xot'be i mul quixtyañujob i wenty_Λlel.

¹² Che' ti ts_{ANS}anti Jesús je'el ya' ti junxejlel i ti' jini lum cha'an mi s_{AC} isan quixtyañujob ti' bajñel i ch'ich'el Jesús.

¹³ Yom mi lac ts_Λclen majlel lac Yum. Yom mi laj cuche' ts'a'q'uelol che' bajche' ti' ñ_{US}_Λ wocol Jesús cha'an ch_Λncox la cotsan lac b_Λ yic'ot.

¹⁴ Mach yoque lac lumalic mach'Λ yujil jilel ili mulawil. Pero ch_Λncol lac s_Λclan lac lumal mu' tyo b_Λ quejel la c_Λq'uentyel ya' ti panchan.

¹⁵ Jin cha'an yom mi lac bele' sube' i ñ_Ucl_{EL} Dios yic'ot yom mi lac suben wocox i y_Λ_Λ cha'an ti Jesucristo. Che' mi lac sube' i ñ_Ucl_{EL} Dios jiñ_Λch che' bajche' ts_{ANS}_Λbil b_Λ i majtyan Dios mu' b_Λ i wen mulan. Suben tyo la i ñ_Ucl_{EL}, che' jini.

¹⁶ Mach yom ñajayic ti lac pusic'al lac cha'len wen b_Λ yic'ot lac t'ox aq'uen ch_Λ b_Λ an lac cha'an jini p'ump'uño' b_Λ. Como jiñ_Λch che' bajche' ts_{ANS}_Λbil b_Λ i majtyan Dios mu' b_Λ i q'uele' ti wen.

¹⁷ Ch'ujbibenla i t'an jini am b_Λ i ye'tyel ti' t'an Dios. Cha'lenla bajche' mi' xiq'uetla la' cha'len como añ_Λch ti' wenta i c_Λñ_Λtyañetla. Wersa mi quejel i subob ti' tyojlel Dios bajche' ti' cha'leyob i ye'tyel. Jac'Λla bajche' yom cha'an tijicña mi' subob i b_Λ ba'an Dios jini am b_Λ ye'tyel cha'an mach'an ch'Λjyemob. Mach cha'anic la' wlenlel che' ch'Λjyemob como tsiquil_Λch ma'an ti la' ch'ujbibeyob jini tsa' b_Λ i c_{ANTIS}_Λy_{ET}la.

¹⁸ Yom mi la' tyajon lojon ti oración. Como cujil lojon isujm ma'an ch_Λ b_Λ mi y_Λle' lojon c pusic'al. Com lojon cajñel ti wen ti ch_Λ b_Λ jach mi lojon c cha'len.

¹⁹ Jini ñoj com b_Λ yi, jiñ_Λch cha'an mi la' tyajon lojon ti oración cha'an mach ñoj jal mi lojon c cha' ty_Λlel ya' ba' añetla.

Saludo tyac

²⁰ Dios mu' b_Λ i ñ_Λch'chocobeñonla lac pusic'al ti tyeche loq'uel lac Yum Jesucristo ba'an sajtyemo' b_Λ. Jini Jesucristo jiñ_Λch ñoj ñuc b_Λ ajc_Λñ_Λtya tiñ_Λame' cha'añonla cha'an ti' beque i ch'ich'el cha'an ti' xuc'choco jini trato b_Λ t'an.

²¹ La' i y_Λq'ueñetla ti pejtyelex ch_Λ b_Λ yes jach yom cha'an ch'ujbi la' cha'len bajche' yom i pusic'al Dios. Cha'an ti Jesucristo la' i c'_Λñonla bajche' yom i c'_Λñonla. La' tsictiyic i ñucler Cristo ti bele' ora. Amén.

²² A wocolic hermañujob, wen ñ_Λch'tyanla ili t'an como ma'ix on b_Λ t'an tic ts'ijbubetla.

²³ Mic subeñetla je'el cha'an tsa'ix loq'ui ti c_Λchol la quermañu Timoteo. Mi ma'an jal mi julel w_Λ'w_Λ'i mu' tyo lojon c motin ty_Λlel c jula' añetla.

²⁴ Aq'ueñob saludos ti pejtyelex año' b_Λ i ye'tyel ya' ba' añetla yic'ot ti pejtyelex ochemo' b_Λ ti' t'an Dios. Mi y_Λq'ueñetla saludos jini ch'oyolo' b_Λ ti Italia.

²⁵ La' ajnic i yutsler i pusic'al Dios la' wic'ot ti la' pejtyelex. Amén.

Jini wen b^h t'an
New Testament in Chol Tila; ctu (MX:ctu:Chol)

copyright © 1976 Wycliffe Bible Translators, Inc.

Language: Chol

Translation by: Wycliffe Bible Translators

Contributor: Wycliffe Bible Translators, Inc.

Chol, Tila [ctu], Mexico

Copyright Information

© 1976, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chol

© 1976, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 21 Feb 2024 from source files
dated 29 Jan 2022
d90ef338-c9d2-52d6-8860-8085bf107fc1